



Llywodraeth Cymru  
Welsh Government



ADDYSG CYMRU  
EDUCATION WALES  
cenhadaeth ein cenedl | our national mission

Cwricwlwm Drafft i Gymru 2022: Ebrill 2019

CANLLAWIAU STATUDOL DRAFFT  
MAES DYSGU A PHROFIAD

# Ieithoedd, Llythrennedd a Chyfathrebu



## CYNNWYS

<b>Cyflwyniad i Faes Dysgu a Phrofiad Ieithoedd, Llythrennedd a Chyfathrebu</b>	<b>03</b>
<b>Yr Hyn sy'n Bwysig mewn Ieithoedd, Llythrennedd a Chyfathrebu</b>	
Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.	20
Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.	28
Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.	47
Mae llenyddiaeth yn tanio'r dychymyg ac yn ysbrydoli creadigrwydd.	71
<b>Geirfa</b>	<b>83</b>

## CYFLWYNIAD I FAES DYSGU A PHROFIAD IEITHOEDD, LLYTHRENNEDD A CHYFATHREBU

### **Mae ieithoedd, Llythrennedd a Chyfathrebu yn ein galluogi i ddadansoddi a deall y byd o'n cwmpas.**

Drwy helpu dysgwyr i lwyddo yn y maes dysgu a phrofiad hwn, cânt eu helpu hefyd i lwyddo ym mhob rhan o'r cwricwlwm.

Bydd Maes Dysgu a Phrofiad Ieithoedd, Llythrennedd a Chyfathrebu yn galluogi pob dysgwr i feithrin gwybodaeth a sgiliau yn Gymraeg, yn Saesneg ac mewn ieithoedd rhyngwladol yn ogystal â llenyddiaeth. Lle y bo'n berthnasol, bydd y ddarpariaeth hefyd yn cynnwys cyfleoedd i ddysgu Cymraeg a Saesneg fel ieithoedd ychwanegol [CIY/SIY] yn ogystal â dysgu ieithoedd cartref neu ieithoedd cymunedol eraill. Ym mhob achos, bydd yn annog dysgwyr i fod yn ymwybodol o'r cysylltiadau rhwng ieithoedd wrth iddynt ddod i werthfawrogi tarddiad geiriau ac ennill diddordeb mewn patrymau iaith. Cânt eu hannog i drosglwyddo'r hyn a ddysgwyd ganddynt ynglŷn â sut mae ieithoedd yn gweithio, er enghraifft, yn Gymraeg ac yn Saesneg i ddysgu a defnyddio ieithoedd rhyngwladol. Bydd y dull gweithredu amlieithog hwn yn tanio brwdfrydedd dysgwyr ac yn cynnig sylfaen gadarn iddynt ddatblygu diddordeb gydol oes mewn dysgu ieithoedd newydd ac mewn llenyddiaeth o Gymru a'r byd.

## Cwricwlwm gweddnewidiol

Mae'r Papur Gwyn *Cenhadaeth ein Cenedl: Cwricwlwm Gweddnewidiol*<sup>1</sup> yn nodi'r cynigion deddfwriaethol manwl ar gyfer Cwricwlwm i Gymru 2022.

Y cynnig yw y bydd gofyn i leoliadau a ariennir nas cynhelir ac ysgolion ddarparu cwricwlwm eang a chytbwys sy'n bodloni pedwar diben y cwricwlwm ac sy'n cynnwys y chwe maes dysgu a phrofiad. Bydd dysgu Cymraeg, Saesneg, addysg grefyddol, addysg cydberthynas a rhywioldeb, a'r tri chyfrifoldeb trawsgwricwlaidd, sef llythrennedd, rhifedd a chymhwysedd digidol, i gyd yn ddyletswyddau statudol. Mae rhagor o wybodaeth ar sut y gall Maes Dysgu a Phrofiad Ieithoedd, Llythrennedd a Chyfathrebu gefnogi hyn yn adran 'Datblygu cwricwlwm eang a chytbwys' o'r ddogfen hon.

Bydd hawl gan leoliadau a ariennir nas cynhelir ac ysgolion i ddewis sut i gynllunio'u cwricwlwm ar lefel ysgol er mwyn cyflawni eu dyletswyddau cwricwlaidd. Fodd bynnag, wrth arfer yr hawl honno, bydd rhaid iddynt roi sylw i ganllawiau statudol a gaiff eu cyhoeddi gan Weinidogion Cymru. Yn ymarferol, golyga hyn y dylent ddilyn y canllawiau statudol oni bai bod ganddynt reswm da i beidio.

Nod y canllawiau statudol hyn ar gyfer Maes Dysgu a Phrofiad Ieithoedd, Llythrennedd a Chyfathrebu, sy'n rhan o'r canllawiau statudol ehangach ar gyfer Cwricwlwm i Gymru 2022, yw rhoi fframwaith cenedlaethol y gall lleoliadau a ariennir nas cynhelir ac ysgolion ei ddefnyddio i ddatblygu eu cwricwlwm eu hunain. Ni fwriedir iddynt fod yn faes llafur hollgynhwysfawr, nac yn ganllaw ar gyfer trefnu amserlenni. Maent yn nodi:

- yr hyn y dylai lleoliadau a ariennir nas cynhelir ac ysgolion roi ystyriaeth iddo wrth lunio'u cwricwlwm, a sut y gellir ei strwythuro
- y disgwyliadau eang ar gyfer dysgwyr ar bob cam cynnydd ym Maes Dysgu a Phrofiad Ieithoedd, Llythrennedd a Chyfathrebu.

<sup>1</sup> [beta.llyw.cymru/cenhadaeth-ein-cenedl-cwricwlwm-gweddnewidiol](https://beta.llyw.cymru/cenhadaeth-ein-cenedl-cwricwlwm-gweddnewidiol)

## Sut mae'r maes dysgu a phrofiad yn cefnogi pedwar diben y cwricwlwm

Bydd Maes Dysgu a Phrofiad Ieithoedd, Llythrennedd a Chyfathrebu yn cynnig cyfleoedd i ddysgwyr feithrin gwybodaeth a sgiliau mewn gwranddo a darllen, siarad ac ysgrifennu ac mewn llenyddiaeth, a hynny o fewn ieithoedd unigol ac ar draws amrywiaeth o ieithoedd. Bydd yn rhoi sylw arbennig i ddiwylliant gan gydnabod y cyswllt rhwng diwylliant ac iaith a deall sut mae'r cyswllt hwn yn bwysig i'n hymdeimlad o hunaniaeth, o'n lle ac o'n llais mewn cymdeithas. Gan hynny, mae'r maes dysgu a phrofiad hwn yn gweld pwysigrwydd annog dysgu sawl iaith, ac yn deall fod hyn yn ffordd o ddysgu am ddiwylliannau y tu hwnt i'n diwylliant ni ein hunain a hefyd yn ffordd o ehangu ein gorwelion. At hyn, mae'n cydnabod bod ieithoedd yn adnoddau pwysig ar gyfer mynegi empathi a chreadigrwydd.

Bydd Maes Dysgu a Phrofiad Ieithoedd, Llythrennedd a Chyfathrebu yn cyfrannu at ddatblygu **dysgwyr uchelgeisiol, galluog sy'n barod i ddysgu drwy gydol eu hoes** drwy eu galluogi i gyfathrebu'n effeithiol mewn amryw gyfrwng, gan ddefnyddio Cymraeg, Saesneg ac ieithoedd rhyngwladol. Mae cymhwysedd ieithyddol da nid yn unig yn helpu dysgwyr i wneud synnwyr o gysyniadau ond mae hefyd yn eu galluogi i fynegi eu rhesymu wrth iddynt ddatrys problemau a dadansoddi data a gwybodaeth. Ymhellach, mae cymhwysedd da mewn sawl iaith yn dyfnhau gallu dysgwyr i ymateb i wahanol gyd-destunau. Gyda'i gilydd, mae'r sgiliau hyn yn meithrin hyder dysgwyr i fanteisio ar gyfleoedd newydd ac i ymaddasu'n ddeheuig i wahanol rolau, a thrwy hynny wella eu cyflogadwyedd.

Drwy ddarparu cyd-destunau ystyrlon, bydd y maes dysgu a phrofiad hwn yn ysgogi dysgwyr nid yn unig i gaffael sgiliau, gwybodaeth a dealltwriaeth ieithyddol ond hefyd i gymhwyso'r sgiliau, yr wybodaeth a'r ddealltwriaeth honno. Bydd yn ei dro, yn meithrin agweddau cadarnhaol tuag at ddysgu a defnyddio ieithoedd. Un agwedd ar ddysgu iaith yn effeithiol yw'r parodrwydd i fentro wrth roi cynnig ar greu seiniau a phatrymau newydd. Felly bydd y sgiliau a gaiff eu meithrin drwy Maes Dysgu a Phrofiad Ieithoedd, Llythrennedd a Chyfathrebu yn grymuso dysgwyr i ddod yn annibynnol ac yn wydn pan fyddant yn wynebu heriau, ynghyd â dod yn **gyfranwyr mentrus, creadigol sy'n barod i chwarae eu rhan yn llawn yn eu bywyd a'u gwaith**.

Mae mynd i'r afael yn ystyrlon ag ieithoedd a llenyddiaeth ar draws amrywiaeth o ffurfiau a chyfryngau yn gallu meithrin ymdeimlad o hunaniaeth yn y dysgwyr, a'u galluogi i ddeall eu diwylliant a'u cymuned a pheri iddynt ddod yn ymwybodol o'r cyfrifoldebau sydd ganddynt tuag atynt eu hunain, tuag at eraill o'u cwmpas a thuag at y byd ehangach. Yn hyn o beth, mae Maes Dysgu a Phrofiad Ieithoedd, Llythrennedd a Chyfathrebu yn cyfrannu at ddatblygu **dinasyddion egwyddorol, gwybodus Cymru a'r byd** wrth i ddysgwyr ennill yr wybodaeth a'r sgiliau sydd eu hangen arnynt i gymryd rhan mewn cymdeithas a hynny'n hyderus a chydag empathi.

At hyn, mae sgiliau Ieithoedd, Llythrennedd a Chyfathrebu yn allweddol o ran galluogi dysgwyr i fynegi eu hunain yn effeithiol, ac mae dysgwyr sy'n gallu cyfleu eu teimladau a dehongli teimladau pobl eraill mewn gwell sefyllfa i feithrin cydberthnasau cadarnhaol ac felly i ddod yn **unigolion iach, hyderus sy'n barod i fyw bywyd gan wireddu eu dyheadau fel aelodau gwerthfawr o gymdeithas**, sy'n gallu cadw eu hunain ac eraill yn ddiogel, boed ar y we ac oddi arni.

Yn olaf, bydd y maes dysgu a phrofiad hwn yn rhoi pwyslais ar y pleser a ddaw nid yn unig drwy ddysgu iaith ond hefyd drwy fwynhau llenyddiaeth, boed fel darllenwyr neu lenorion. Mae'r mwynhad hwn yn cyfrannu'n gadarnhaol at sawl agwedd ar daith y dysgwyr, gan gynnwys eu hiechyd a'u lles ynghyd â'u datblygiad fel unigolion creadigol.

## DATGANIADAU O'R HYN SY'N BWYSIG MEWN IEITHOEDD, LLYTHRENNEDD A CHYFATHREBU

### Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.

Mae dysgu a defnyddio ieithoedd yn ein cysylltu â phobl, lleoedd a chymunedau. Mae'r Maes Dysgu a Phrofiad Ieithoedd, Llythrennedd a Chyfathrebu wedi'i gynllunio i sicrhau bod dysgwyr, fel dinasyddion Cymru ddwyieithog a byd amlieithog, yn gallu defnyddio'r Gymraeg, Saesneg ac ieithoedd rhyngwladol.

Drwy godi ymwybyddiaeth o amrywiaeth ieithoedd o oedran cynnar, bydd dysgwyr yn gallu adnabod nodweddion tebyg rhwng ieithoedd a gwerthfawrogi'r gwahaniaethau rhyngddynt. Cânt gymorth i feithrin dealltwriaeth o darddiad, esblygiad a nodweddion y Gymraeg, Saesneg ac ieithoedd rhyngwladol a fydd yn rhoi set o sgiliau iddynt sy'n mynd y tu hwnt i sgiliau ieithoedd, Llythrennedd a Chyfathrebu ac yn cynnwys nodweddion megis creadigrwydd, gwydnwch, y gallu i addasu ac empathi. Mae profiadau dysgu ystyrion mewn cyd-destun amlieithog yn mynd law yn llaw â'r broses o ddysgu am eich hunaniaeth ddiwylliannol eich hun yn ogystal â hunaniaeth ddiwylliannol pobl eraill. Gan hyn felly, bydd y maes dysgu a phrofiad hwn yn meithrin balchder dysgwyr yn eu hunaniaeth fel dinasyddion Cymru a'r byd.

### Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.

Mae ieithoedd a llythrennedd yn hanfodol i alluogi pobl i gyfathrebu â'i gilydd. Maent yn fodd i ddehongli'r hyn a glywn, a ddarllenwn ac a welwn er mwyn datblygu ein dealltwriaeth, ein hempoethi a'n gallu i ymateb yn effeithiol.

Bydd y Maes Dysgu a Phrofiad Ieithoedd, Llythrennedd a Chyfathrebu yn cynnig cyfleoedd i ddysgwyr brofi iaith lafar ac ysgrifenedig yn ogystal â delweddau mewn amrywiaeth o ffurfiau a genres. Cynllunnir y profiadau cyfoethog ac amrywiol hyn er mwyn datblygu gallu dysgwyr i ddod yn greadigol ac yn fentrus wrth ddefnyddio Cymraeg, Saesneg ac ieithoedd rhyngwladol. Byddant hefyd yn helpu dysgwyr i feithrin y sgiliau sydd eu hangen arnynt i ddehongli'n feirniadol a diduedd yr hyn a glywant, a welant ac a ddarllenant, ac er mwyn chwarae eu rhan yn effeithiol fel dinasyddion Cymru a'r byd.



## Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.

Mae cyfathrebu clir ac effeithiol drwy iaith lafar ac ysgrifenedig yn sgil bywyd pwysig. Mae'n gofyn am allu defnyddio ac addasu iaith mewn amrywiaeth o rolau, genres, ffurfiau, cyfryngau ac arddulliau a hynny mewn cywair addas. Mewn cyd-destun dwyieithog ac amlieithog, mae hyn hefyd yn gofyn am allu dewis iaith briodol.

Ym Maes Dysgu a Phrofiad Ieithoedd, Llythrennedd a Chyfathrebu, rhoddir cyfleoedd i ddysgwyr siarad ac ysgrifennu er mwyn iddynt fod yn effeithiol wrth iddynt ryngweithio, archwilio syniadau, mynegi safbwyntiau, gwybodaeth a dealltwriaeth a meithrin cydberthnasau. Cânt eu galluogi i ddod yn ymwybodol o sut y maent yn defnyddio iaith (ieithoedd) wrth iddynt brofi cyfleoedd i fynegi eu hunain at wahanol ddibenion ac ar gyfer gwahanol gynulleidfaoedd yn Gymraeg ac yn Saesneg yn ogystal â mewn ieithoedd rhyngwladol.

---

## Mae llenyddiaeth yn tanio'r dychymyg ac yn ysbrydoli creadigrwydd.

Mae llenyddiaeth yn ehangu gorwelion. Mae'n ein hysbrydoli ac yn ein cymell, gan ein helpu hefyd i ddysgu mwy am iaith.

Bydd y Maes Dysgu a Phrofiad Ieithoedd, Llythrennedd a Chyfathrebu yn cynnig profiadau llenyddol i ddysgwyr a fydd yn ennyn eu diddordeb a'u dychymyg fel darllenwyr, gwrandawyr, gwylwyr, awduron a llenorion. Byddant nid yn unig yn gallu gwerthfawrogi crefft y llenor ond byddant hefyd yn gallu meithrin eu sgiliau creadigol eu hunain. Byddant yn profi ac yn ymateb i amrywiaeth o lenyddiaeth sy'n rhoi dealltwriaeth iddynt o ddiwylliant, pobl a hanes Cymru yn ogystal â'r byd ehangach. Drwy hyn, wrth i'w dealltwriaeth o'u profiadau, eu credoau a'u diwylliannau eu hunain a phobl eraill wella, caiff dysgwyr gymorth i ddatblygu eu gallu i ddangos empathi. Yn ei dro, bydd hyn yn cyfrannu at eu lles emosiynol a'u lles meddwl. Gyda'i gilydd, bydd y profiadau a gynigir fel rhan o'r maes dysgu a phrofiad hwn yn tanio dychymyg a chreadigrwydd dysgwyr ac yn helpu i feithrin cariad gydol oes tuag at lenyddiaeth.



## Y berthynas rhwng y datganiadau o'r hyn sy'n bwysig mewn Ieithoedd, Llythrennedd a Chyfathrebu

Mae cyswllt agos iawn rhwng y pedair elfen a nodwyd fel yr hyn sy'n bwysig o ran Ieithoedd, Llythrennedd a Chyfathrebu.

Mae gwrando a darllen, yn ogystal â siarad ac ysgrifennu, yn perthyn i'w gilydd ac nid ar wahân i'w gilydd. Felly mae'n rhaid ystyried y datganiadau o'r hyn sy'n bwysig canlynol ochr yn ochr.

- Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.
- Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.

Gwëir y ddau ddatganiad arall o'r hyn sy'n bwysig trwy bopeth a wnaed mewn Ieithoedd, Llythrennedd a Chyfathrebu.

- Mae dysgu am hunaniaeth a diwylliant drwy Ieithoedd yn ein paratoi i fod yn ddinasyddion Cymru a'r byd.
- Mae llenyddiaeth yn tanio'r dychymyg ac yn ysbrydoli creadigrwydd.

Gwelir sgiliau iaith a dealltwriaeth o hunaniaeth a diwylliant yn cael eu datblygu trwy lenyddiaeth; mae hunaniaeth a diwylliant yn cynnig cyd-destun ar gyfer dysgu Ieithoedd.

## Cynnydd o fewn y maes dysgu a phrofiad hwn

Mae deilliannau cyflawniad Ieithoedd, Llythrennedd a Chyfathrebu yn cydnabod na fydd pob dysgwr yn symud ymlaen ar yr un cyflymder na dyfnder.

Mae deilliannau cyflawniad 'Mae dysgu am hunaniaeth a diwylliant drwy Ieithoedd yn ein paratoi i fod yn ddinasyddion Cymru a'r byd' yr un fath i bob dysgwr ym mhob ysgol.

Ar gyfer y datganiadau eraill o'r hyn sy'n bwysig mewn Ieithoedd, Llythrennedd a Chyfathrebu, mae deilliannau cyflawniad ar gyfer Cymraeg/Saesneg, Cymraeg mewn lleoliadau/ysgolion/ffrydiau cyfrwng Saesneg ac ar gyfer Ieithoedd rhyngwladol. Caiff y disgwyliadau ar gyfer Cymraeg mewn lleoliadau/ysgolion/ffrydiau cyfrwng Saesneg eu hadolygu a'u cynyddu dros amser wrth i'r carfanau cyntaf ddysgu drwy Gwricwlwm i Gymru 2022 ac wrth i ddysgu proffesiynol wella galluoedd.

Cafodd y deilliannau cyflawniad eu datblygu ar sail continwrm neu fframwaith cynnydd mewn Ieithoedd, gan ddechrau gyda dim iaith neu heb fawr ddim iaith a gweithio tuag at ruglder. Dylai'r wybodaeth a'r sgiliau a ddysgir mewn un iaith gefnogi'r broses o feithrin gwybodaeth a sgiliau mewn Ieithoedd eraill, ni waeth pa un sy'n cael ei dysgu gyntaf.

Bydd angen i leoliadau ac ysgolion gynllunio ar gyfer cynnydd dysgwyr yn Gymraeg ac yn Saesneg, ac mewn Ieithoedd rhyngwladol. Bydd angen i ysgolion ystyried y deilliannau cyflawniad Cymraeg sydd fwyaf addas i'w dysgwyr. Yn ogystal ag ysgolion cyfrwng Cymraeg, mae'n bosibl hefyd mai'r cynnydd yn y Gymraeg a ddangosir yn y deilliannau cyflawniad Cymraeg/Saesneg fydd yr un mwyaf addas i rai dysgwyr mewn ysgolion cyfrwng Saesneg sydd, er enghraifft, wedi mynychu cylch meithrin neu sy'n trosglwyddo o ysgol cyfrwng Cymraeg i ysgol cyfrwng Saesneg. Efallai y bydd angen i ysgolion dwyieithog hefyd ystyried y deilliannau cyflawniad ar gyfer Cymraeg a Saesneg a'r deilliannau cyflawniad ar gyfer Cymraeg mewn lleoliadau/ysgolion/ffrydiau cyfrwng Saesneg.

Mae deilliannau cyflawniad ar gyfer Ieithoedd rhyngwladol yn dangos cynnydd o Gam cynnydd 3. Bydd dysgwyr yn datblygu ymwybyddiaeth o'r Ieithoedd o'u hamgylch o oedran cynnar, a dylent gael amlygiad cynyddol i amrywiaeth o Ieithoedd.

O fewn y llwybrau cynnydd hyn, bydd teithiau dysgwyr yn amrywio ac ni fydd y broses yn un llinol. Mae'n hanfodol cydnabod, er enghraifft, y gall dysgwyr ail iaith ddefnyddio iaith fformiwlaig heb fawr ddim camgymeriadau i ddechrau ac wrth iddynt ddatblygu i fod yn fwy uchelgeisiol a ddigymell yn eu defnydd o iaith, efallai y byddant yn gwneud mwy o gamgymeriadau i bob golwg. Mae'n rhaid i ddysgwyr gael eu hannog i fod yn uchelgeisiol yn y ffordd y maent yn defnyddio Ieithoedd a derbyn hyn fel rhan annatod o ddysgu iaith yn llwyddiannus a all arwain at fod yn ddefnyddwyr iaith mwy rhugl a chywir. Bydd cynnydd hefyd yn cael ei ystyried drwy gymhwysu'r un sgil mewn cyd-destunau cynyddol heriol.

Dylid cyfeirio at y Model Pum Cam ar gyfer Saesneg/Cymraeg fel iaith ychwanegol (SIY/CIY) a deunyddiau cymorth wrth ystyried cynnydd dysgwyr SIY mewn ysgolion cyfrwng Saesneg a dysgwyr CIY mewn ysgolion cyfrwng Cymraeg. Mae'r *Pecyn cymorth arolwg asesu anghenion caffael iaith* i athrawon cynradd ac uwchradd ar gael ar-lein ar Hwb yn

[hwb.gov.wales/repository/resource/441c39ca-a432-416b-be4d-41b83fcbc95d/cy](https://hwb.gov.wales/repository/resource/441c39ca-a432-416b-be4d-41b83fcbc95d/cy)

[hwb.gov.wales/repository/resource/f7b96158-f832-48b2-8fc3-d366e03cf137/cy](https://hwb.gov.wales/repository/resource/f7b96158-f832-48b2-8fc3-d366e03cf137/cy)

Bydd ysgolion yn sicrhau dulliau addysgeg effeithiol iawn a chydweithio â phartneriaid perthnasol er mwyn sicrhau bod pob dysgwr yn cael mynediad teg at Faes Dysgu a Phrofiad Ieithoedd, Llythrennedd a Chyfathrebu. Mae'r broses hon yn dechrau gyda'r ysgol yn cydnabod ei thirwedd ieithyddol ei hun, gan gynnwys cryfderau a heriau ei dysgwyr sydd ag anghenion dysgu ychwanegol (ADY). Gyda'r wybodaeth hon, bydd ysgolion yn barod i gynllunio llwybrau perthnasol i bob dysgwr, gan gynnwys ystyried yr amgylchedd dysgu, mireinio/gwahaniaethu o ran addysgu a chydweithio priodol â phartneriaid perthnasol. Gall dysgwr sydd ag anghenion corfforol hynod gymhleth wneud cynnydd da iawn yn ei ddatblygiad ym mhob agwedd ar yr hyn sy'n bwysig ym maes Ieithoedd, Llythrennedd a Chyfathrebu drwy ei lwybr unigol, e.e. drwy ddefnyddio technoleg i gyfathrebu, darllen ac ysgrifennu gyda chymorth partneriaid ym maes iechedd, gwasanaethau cynghori a grwpiau arbenigol eraill.

Cydnabyddir bod rhai o'n dysgwyr ieuengaf yn dod i'r ysgol gydag oedi mewn datblygu iaith. Bydd angen i ysgolion gynllunio yn eu cyd-destun penodol a chyda chymorth arbenigol lle y bo'n briodol fel y gellir asesu a chefnogi anghenion datblygiadol, ffisiolegol ac ymarferol ac anghenion dysgu ychwanegol eraill. Dylid cynllunio ar gyfer unrhyw gymorth ychwanegol gyda'r agweddau corfforol ar ysgrifennu, e.e. gofynion penodol dysgwyr llaw chwith. Ym mhob achos, dylid annog gweithwyr proffesiynol i gynllunio ar gyfer datblygiad ieithyddol plant ifanc a'i gefnogi yn unol â datblygiad plentyn, gan gydnabod, er enghraifft, bwysigrwydd datblygu sgiliau siarad yn ddigon da cyn canolbwyntio ar ysgrifennu.

# Datblygu cwricwlwm eang a chytbwys

## Llythrennedd, rhifedd a chymhwysedd digidol

Mae cyfrifoldebau trawsgwricwlaidd llythrennedd, rhifedd a chymhwysedd digidol yn cefnogi y rhan fwyaf o ddysgu ac maent yn hanfodol er mwyn i ddysgwyr allu cymryd rhan yn llwyddiannus ac yn hyderus yn y byd modern.

### Llythrennedd

Drwy ddiffiniad, mae llythrennedd wrth wraidd Maes Dysgu a Phrofiad Ieithoedd, Llythrennedd a Chyfathrebu. Caiff sgiliau llythrennedd eu haddysgu'n benodol drwy'r maes dysgu a phrofiad hwn. Bydd meysydd dysgu a phrofiad eraill yn hwyluso'r broses o ddefnyddio a datblygu'r sgiliau hyn mewn cyd-destunau dilys a'i gwneud yn bosibl i'r sgiliau hyn gael eu hatgyfnerthu.

Dylid ystyried llafaredd ac ysgrifennu fel yr adnoddau a ddefnyddir gan ddysgwyr i fynegi eu hunain, sy'n cynnwys dangos eu dealltwriaeth o amrywiaeth o gyd-destunau a sgiliau. Dylai sgiliau darllen gael eu datblygu i gefnogi dysgu, e.e. echdynnu gwybodaeth a data perthnasol o dablau, siartiau, graffiau a thestun i gefnogi eu prosesau gwneud penderfyniadau. Bydd datblygu sgiliau ysgrifennu yn helpu dysgwyr i fynegi ystyr a dibenion mewn nifer o feysydd.

### Rhifedd

Mae elfennau o rifedd a fydd yn gorgyffwrdd yn amlwg â'r maes dysgu a phrofiad hwn, megis echdynnu gwybodaeth allweddol o amrywiaeth o ffynonellau neu ddefnyddio sgiliau rhesymu i wneud penderfyniadau.

Gallai profiadau cyntaf dysgwyr o ddefnyddio rhifedd godi drwy weithgareddau megis rhigymanu rhif, wrth iddynt ddechrau ymateb a dadansoddi testunau, ac yn gwneud cynnydd a datblygiad pellach i wneud sylwadau ar ddehongliadau gwahanol o faterion a syniadau, gan ddefnyddio testunau i ategu barnau.

Wrth i ddysgwyr ddefnyddio rhifau mewn ieithoedd eraill bydd hyn yn ei dro yn atgyfnerthu dysgu a sgiliau rhifedd y pen a sgiliau rhifedd ysgrifenedig. Wrth i ddysgwyr ddechrau cael eu trochi mewn profiadau iaith cyfoethog ac amrywiol, bydd cysyniadau megis ymwybyddiaeth gronolegol yn digwydd yn naturiol ac yn cael eu datblygu.

### Cymhwysedd digidol

Cydnabyddir bod sgiliau digidol yn gynyddol bwysig o ran datblygu llythrennedd, ieithoedd a sgiliau cyfathrebu ehangach dysgwyr. Mae'r gallu i ddefnyddio technoleg ddigidol yn briodol a gweithredu mewn amrywiaeth o amgylcheddau a chyfryngau digidol, gan weithio'n greadigol, ar y cyd, ac yn feirniadol, yn dod yn fwyfwy pwysig. Gellir trafod hawliau digidol, trwyddedu a pherchenogaeth wrth i ddysgwyr weithio'n annibynnol neu gydweithio ar brosiectau.

Wrth i ddysgwyr archwilio dulliau cyfathrebu ar gyfer sefyllfa benodol, gallant ddysgu sut i greu negeseuon clir a phriodol wedi'u teilwra ar gyfer cynulleidfaoedd penodol, gan rannu, golygu ac addasu yn ôl y gofyn. Gallant hefyd gael y cyfle i ddeall a datblygu ymwybyddiaeth o sut i storio data yn briodol a bod yn ystyriol o oblygiadau cyfreithiau data, gan gynnwys y defnydd o hawlfraint.

Gellir cael mynediad at lenyddiaeth drwy dechnoleg yn ogystal â rhagor o wybodaeth am themâu y deuir ar eu traws drwy lenyddiaeth, neu ymatebion gwahanol i lenyddiaeth.

Mae'r amgylchedd digidol hefyd yn hwyluso ymwybyddiaeth a dealltwriaeth gynyddol o ddiwylliannau gwahanol, yn galluogi dysgwyr i gyfathrebu â'i gilydd yn y wlad hon ac mewn gwledydd eraill, ac yn cynnig cyfoeth o adnoddau ar gyfer dysgu ieithoedd a chael profiad ohonynt.

## Y dimensiwn Cymreig a'r persbectif rhyngwladol

Drwy Faes Dysgu a Phrofiad Ieithoedd, Llythrennedd a Chyfathrebu, mae dysgwyr yn datblygu ymdeimlad cryf o hunaniaeth fel dinasyddion yn eu cymuned leol, Cymru, y Deyrnas Unedig a'r byd ehangach, gan gydnabod amrywiaeth ddiwylliannol ac ieithyddol pob cyd-destun. Mae teithiau dysgwyr yn dechrau gyda'u hiaith (hieithoedd) a'u diwylliant (diwylliannau) eu hunain yn y cartref, yn eu cymunedau ac yng Nghymru. Mae hyn yn rhoi sylfaen wrth iddynt ehangu eu dealltwriaeth o gyd-destun cenedlaethol a'r cyd-destun byd-eang, a pharhau i fyfyrwyr ar eu persbectif personol a lleol ar yr un pryd. Mae hyn yn arbennig o wir am y datganiadau canlynol o'r hyn sy'n bwysig ym Maes Dysgu a Phrofiad Ieithoedd, Llythrennedd a Chyfathrebu.

- Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.
- Mae llenyddiaeth yn tanio'r dychymyg ac yn ysbrydoli creadigrwydd.

Ar gyfer y datganiadau hyn o'r hyn sy'n bwysig, mae'r dimensiwn Cymreig a'r persbectif rhyngwladol yn ffurfio rhan allweddol. Er enghraifft, bydd dysgwyr yn cael cyfleoedd i adeiladu ar gysylltiadau, pethau cyffredin a gwahaniaethau rhwng eu hiaith (hieithoedd) a'u diwylliant (diwylliannau) eu hunain a rhai eu cymuned leol a'u cymuned ehangach.

Mae mynediad drwy Faes Dysgu a Phrofiad Ieithoedd, Llythrennedd a Chyfathrebu at amrywiaeth o lenyddiaeth yn galluogi dysgwyr i dderbyn a dathlu eu lle yn y byd, ac mae'n agor eu meddyliau at amrywiaeth o safbwyntiau, persbectifau a syniadau. Byddant yn profi llenyddiaeth Gymraeg, llenyddiaeth Gymreig yn Saesneg, llenyddiaeth Saesneg, llenyddiaeth o ddiwylliannau eraill a llenyddiaeth a ysgrifennwyd mewn ieithoedd rhyngwladol, gan gynnwys gwaith wedi'i gyfieithu. Mae'n bwysig bod dysgwyr yn cael cyfleoedd i ddathlu llenyddiaeth eu diwylliant (diwylliannau) eu hunain a'u bod yn cael eu cyflwyno i'r diwylliannau eraill o'u hamgylch. Mae iaith yn chwarae rhan bwysig o ran gwireddu pedwar diben y cwricwlwm, gan helpu dysgwyr i fod yn ddinasyddion byd-eang sy'n gallu cyfathrebu'n effeithiol ac sy'n gallu gwerthfawrogi diwylliannau eraill, a dathlu eu diwylliant eu hunain.

## Sgiliau ehangach

Mae Maes Dysgu a Phrofiad Ieithoedd, Llythrennedd a Chyfathrebu yn cynnig cyfleoedd lu i ddysgwyr datblygu pob un o'r pedwar sgil ehangach.

### Meddwl yn feirniadol a datrys problemau

Mae sgiliau gwranddo, darllen, siarad ac ysgrifennu yn rhan annatod o ddatblygu'r gallu i feddwl yn feirniadol a datrys problemau. Rydym yn gwranddo ac yn darllen er mwyn dadansoddi a deall sefyllfaoedd a llunio ymatebion drwy siarad ac ysgrifennu. Mae dysgwyr hefyd yn datblygu eu sgiliau meddwl yn feirniadol drwy ymdrin â llenyddiaeth ac yn datblygu eu sgiliau datrys problemau drwy ddadadeiladu a defnyddio eu hieithoedd.

## Cynllunio a threfnu

Wrth i ddysgwyr ddatblygu eu sgiliau gwranddo a darllen, siarad ac ysgrifennu, byddant hefyd yn datblygu sgiliau cynllunio a threfnu, yn penderfynu ar y ffordd orau o gyflwyno eu syniadau a'u gwaith creadigol, yn myfyrio ar eu gwaith a chynllunio a rhoi gwelliannau pellach ar waith.

## Creadigrwydd ac arloesi

Mae llenyddiaeth yn ysbrydoli creadigrwydd ac mae sgiliau gwranddo, darllen, siarad ac ysgrifennu yn hanfodol er mwyn archwilio syniadau a mynegi safbwyntiau yn Gymraeg, yn Saesneg ac mewn ieithoedd rhyngwladol. Mae deall eu hunaniaeth a'u diwylliant eu hunain drwy ieithoedd, a datblygu agwedd agored tuag at eraill, yn rhoi dewrder i ddysgwyr fentro, arbrofi a defnyddio ieithoedd yn greadigol.

## Effeithiolrwydd personol

Mae myfyrio ar eu diwyllianau a'u hunaniaeth eu hunain a diwyllianau a hunaniaeth eraill drwy ieithoedd yn agwedd bwysig ar ddatganiadau o'r hyn sy'n bwysig ym Maes Dysgu a Phrofiad Ieithoedd, Llythrennedd a Chyfathrebu. Drwy wrando, gwyllo a darllen, mae dysgwyr yn datblygu eu dealltwriaeth o gyfathrebu effeithiol a phriodol y maent yna'n ei ddatblygu ymhellach drwy eu siarad a'u hysgrifennu. Bydd dysgwyr yn datblygu eu heffeithiolrwydd personol a'u hunanymwybyddiaeth wrth ddefnyddio ieithoedd a fydd yn eu tro yn cefnogi dysgu ar draws y cwricwlwm cyfan.

## Gyrfaoedd a phrofiadau sy'n gysylltiedig â gwaith

### Dysgu o wybodaeth am yrfaoedd a'r farchnad lafur

Mae'n hanfodol i ddysgwyr gael gafael ar wybodaeth o ansawdd uchel am yrfaoedd a'r farchnad lafur ac iddynt feddu ar ddealltwriaeth o'r hyn y mae hynny'n ei olygu iddynt, er mwyn gwneud penderfyniadau gwybodus a chynaliadwy am eu gyrfa.

Mae cryn dipyn wedi cael ei ysgrifennu am fanteision dwyieithrwydd ac amlieithrwydd. Mae siarad mwy nag un iaith yn sgil a fydd yn gwneud dysgwyr yn fwy atyniadol ar y farchnad lafur, ac mae llawer o brifysgolion a chyflogwyr yn ffafrio'r rhai sy'n gallu siarad mwy nag un iaith.

Mae sgiliau mewn ieithoedd rhyngwladol yn hanfodol i Gymru ffynnu fel gwlad fasnachol ryngwladol. Mae ieithoedd rhyngwladol yn cynnig lluo o lwybrau gyrfa i ddysgwyr, o weithio gyda MI5 i weithio ym maes marchnata i gwmni rhyngwladol, o griw awyren i reoli digwyddiadau. Mae cyfleoedd yng Nghymru, yn y Deyrnas Unedig ac yn fyd-eang i ieithyddion.

Mae llawer o yrfaoedd sy'n cysylltu'n uniongyrchol ag Ieithoedd, Llythrennedd a Chyfathrebu. Fodd bynnag, mae'r sgiliau a ddatblygir, megis y gallu i ddarllen ac ysgrifennu'n glir, cynnal ymchwil, rhoi cyflwyniad, cyfathrebu'n glir a rhoi sylw i fanylion, yn cael eu gwerthfawrogi gan amrywiaeth eang o gyflogeion, gan gynnig amrywiaeth eang o gyfleoedd i ddysgwyr.

### Cysylltu'r maes dysgu a phrofiad â gyrfaoedd a phrofiadau sy'n gysylltiedig â gwaith

Mae sgiliau rheoli gyrfa a sgiliau cynllunio, megis cymhelliant, hunanymwybyddiaeth, ymwybyddiaeth o gyfleoedd, gwneud penderfyniadau, ymroddiad a gwydnwch, i gyd yn elfennau allweddol o Faes Dysgu a Phrofiad Ieithoedd, Llythrennedd a Chyfathrebu. Mae cyfathrebu a llythrennedd yn hanfodol i fod yn barod at yrfa, ynghyd â chymwyseddau cymdeithasol fel meddwl



yn feirniadol, dadlau darbwyllol ac ymgyflwyno hyderus. Dylai dysgwyr ddeall y cysylltiadau rhwng ieithoedd, Llythrennedd a Chyfathrebu a'r llwybrau gyrfa y maent yn eu cynnig iddynt a gallu eu hesbonio.

Mae sgiliau dwyieithog yn ddefnyddiol ar gyfer unrhyw swydd ond yn enwedig y rhai sy'n cynnwys cyfathrebu â phobl. Mae meysydd lle mae'r galw am bobl sydd â sgiliau dwyieithog yn cynyddu yn cynnwys addysg, iechyd, gofal plant, gofal cymdeithasol, busnes a thechnoleg gwybodaeth, twristiaeth a hamdden, y cyfryngau a'r celfyddydau perfformio, ieithyddiaeth, ieithyddiaeth gyfrifiannu ac amaethyddiaeth.

Bydd y sgiliau trosglwyddadwy sydd wrth wraidd Maes Dysgu a Phrofiad Ieithoedd, Llythrennedd a Chyfathrebu yn cyfrannu at baratoi gweithlu ar gyfer proffesiynau a swyddi nad ydynt yn bodoli eto, er mwyn diwallu anghenion gyrfaoedd newydd ac sy'n datblygu.

Gall y Gymraeg hefyd agor drysau i fyd gwaith, gan roi mantais yn y farchnad swyddi yng Nghymru a chyfle i gael profiad gwerthfawr mewn diwydiannau cystadleuol a all arwain at gyfleoedd eraill yng Nghymru a thu hwnt. Mae'n rhaid i wasanaethau cyhoeddus yng Nghymru beidio â thrin y Gymraeg yn llai ffafriol na'r Saesneg. Mae hyn wedi golygu cynnydd yn y galw am bobl sy'n gallu cyfathrebu'n dda yn y ddwy iaith. Mae mwy o bobl bellach yn teimlo eu bod yn gallu defnyddio eu Cymraeg wrth ddefnyddio gwasanaethau ac, o ganlyniad, dengys ymchwil fod y galw gan gyflogwyr am staff sydd â sgiliau Cymraeg yn cynyddu. Mae Maes Dysgu a Phrofiad Ieithoedd, Llythrennedd a Chyfathrebu yn helpu dysgwyr i ddeall amrywiaeth a herio stereoteipiau er mwyn codi uchelgais dysgwyr a'u cred yn eu dyfodol posibl.

Mae cynnydd dysgwyr o ran gyrfaoedd a phrofiadau sy'n gysylltiedig â gwaith yn rhan o gontinwmm dysgu ar gyfer dysgwyr rhwng 3 ac 16 oed. Gallai llwyddiant i ddysgwyr ifanc ysgol gynradd gynnwys:

- chwarae rôl ar gyfer amrywiaeth o wahanol swyddi
- y gred y gallant gyflawni unrhyw swydd – gan fynd i'r afael â stereoteipiau rhyw
- cyfathrebu â phobl yn eu cymuned am y gwahanol swyddi y maent yn eu gwneud a'r boddhad a all ddeillio ohonynt.

Drwy wneud cynnydd dysgu, gallai llwyddiant i ddysgwyr 16 oed gynnwys:

- dangos a chymhwyso'r sgiliau a ddysgwyd mewn perthynas â'r byd gwaith
- adnabod diddordebau, cryfderau a sgiliau er mwyn gwneud dewisiadau gwybodus ôl-16
- deall ac arddangos y mathau o ymddygiad mae cyflogwr yn dymuno eu gweld mewn cyflogai da
- gwerthuso risgiau wrth ddatblygu syniad busnes ac ystyried gwahanol ffyrdd o sefydlu a chynnal menter.

### **Profiadau sy'n gysylltiedig â gwaith**

Mae dysgwyr yn datblygu diddordebau, cryfderau, sgiliau a dyheadau drwy brofiadau fel rhan o'r cwricwlwm ac mewn bywyd y tu hwnt i'r ysgol. Mae amrywiaeth o bartneriaid ynghlwm â'r teithiau cyffrous hyn drwy gyd-ddylunio a chyd-gyflwyno a, chydai gilydd, maent yn llywio penderfyniadau dysgwyr am eu dyfodol a'r llwybrau y byddant yn eu dilyn. Gall cyfleoedd megis ymweliadau, siaradwyr gwadd a gweithgareddau ymarferol, helpu i wella'r dysgu a'i roi mewn cyd-destun.



Gall cydweithio a chyfleoedd i gysylltu ag unigolion a chyflogwyr, e.e. mewn llywodraeth leol, lletygarwch, cysylltiadau cyhoeddus, hysbysebu, addysgu, manwerthu, cyfrifiaduro, twristiaeth a gwaith cymdeithasol, roi cyfleoedd i ddysgwyr ddysgu am waith, cyflogaeth a'r sgiliau a werthfawrogir yn y gweithle.

Gall dysgwyr ddefnyddio'r wybodaeth a'r sgiliau a feithrinwyd drwy gymryd rhan mewn profiadau sy'n gysylltiedig â gwaith i ddatblygu gweithgareddau menter llwyddiannus. Gall y rhain gynnig profiad dysgu dilys sy'n arwain at gynaliadwyedd i'r maes dysgu a phrofiad hwn, gan ddatblygu dysgwyr yn gyfranwyr creadigol a mentrus, a chreu cysylltiadau â'r byd gwaith.

### **Deall cyfleoedd ôl-16 ac addysg uwch**

Mae'n hanfodol bod dysgwyr yn ymwybodol o'r holl gyfleoedd sydd ar gael iddynt ôl-16. Felly, yn ogystal â deall am gyflogaeth, hyfforddiant a phrentisiaethau, dylid rhoi gwybodaeth i ddysgwyr am ddarparwyr dysgu a chynnig y cyfle iddynt ymgysylltu ag amrywiaeth o ddarparwyr o'r fath. Dylai'r cyfleoedd ymgysylltu gynnwys mynychu ffeiriau gyrfaoedd a sgiliau, sgysrsiau gan ddarparwyr addysg bellach ac uwch ac ymweliadau gan y darparwyr hynny, yn ogystal â chyflwyniadau gan fyfyrwyr mewn addysg bellach neu uwch. Dylid hefyd gyfeirio dysgwyr at adnoddau ymchwil ar-lein sy'n cynnig gwybodaeth am gyrsiau a chynnydd, er mwyn eu helpu i ddeall yr amrywiaeth o gyfleoedd dysgu sydd ar gael, ac i helpu i godi eu dyheadau a chynnig sail iddynt allu gwneud penderfyniadau gwybodus.

### **Addysg cydberthynas a rhywioldeb**

Mae Ieithoedd, Llythrennedd a Chyfathrebu yn cynnig cyfleoedd dilys i ddysgwyr feddwl yn feirniadol am heriau byd-eang cyfoes, normau cymdeithasol ac agweddau sy'n cefnogi addysg cydberthynas a rhywioldeb.

### **Cydberthnasau**

Bydd dysgwyr yn ystyried cydberthnasau mewn nifer o gyd-destunau drwy lenyddiaeth a dysgu ieithoedd. Caiff dysgwyr eu hamlygu i nifer o fodelau o gydberthnasau, normau a gwerthoedd diwylliannol, datblygu dulliau o ddadansoddi a gwerthuso er mwyn asesu a llunio barnau ar ffurfio cydberthnasau diogel ac iach. Gall dysgwyr:

- ystyried ffactorau sy'n dylanwadu ar gydberthnasau iach a'u mynegi
- ystyried y teimladau sy'n gysylltiedig â datblygu cydberthnasau iach a'u mynegi
- datblygu'r sgiliau ar gyfer ffurfio cydberthnasau rhyngpersonol llwyddiannus, gan gynnwys cyfleoedd i fod yn rhan o drafodaethau a thrafod cysyniadau allweddol
- dadansoddi a gwerthuso'r ffordd y mae cydberthnasau yn cael eu creu a'u cyflwyno drwy lenyddiaeth
- dadansoddi a gwerthuso'r amrywiaeth o gydberthnasau ymhlith amrywiaeth o ddiwylliannau
- datblygu sgiliau gwranddo sy'n galluogi dysgwyr i ffurfio cydberthnasau cadarnhaol.

## Gwerthoedd, hawliau, diwylliant a rhywioldeb

Gall dysgwyr:

- ystyried ffactorau sy'n dylanwadu ar werthoedd cymdeithasol a diwylliannol a'u mynegi
- gwerthuso'r ffyrdd y mae cysyniadau'n cael eu creu a'u cyflwyno i ddatblygu barn ystyriol o gymdeithas a'r heriau y mae'n eu hwynebu
- datblygu'r ymagweddau a'r cymhelliant sydd eu hangen i fod yn ddinesydd byd-eang gweithredol a datblygu'n aelod empathig, gwybodus a gwerthfawr o gymdeithas
- archwilio a thrafod y defnydd o derminoleg addas i fynegi eu hunain yn gywir gyda goddefgarwch a pharch.

## Deall rhywedd

Gall dysgwyr:

- ystyried ffactorau sy'n dylanwadu ar ddeinamig pŵer a'r defnydd o iaith sy'n ymwneud â rhywedd
- profi llenyddiaeth llawn gwybodaeth i ddatblygu hunaniaeth, deallusrwydd emosiynol a lles cadarnhaol
- adnabod rhagfarn ar sail rhyw mewn iaith er mwyn dod i gasgliadau ynglŷn ag ystyr a chyd-destun
- ystyried themâu mewn llenyddiaeth a'r cyfryngau sy'n ymwneud â stereoteipio a rhagfarn ar sail rhyw
- ystyried a defnyddio iaith a chywair priodol er mwyn datblygu cydraddoldeb rhywiol a chydaddoldeb o ran iaith a llenyddiaeth.

## Trais a chadw'n ddiogel

Gall dysgwyr:

- ddadansoddi a gwerthuso'r ffyrdd y mae agweddau ar fwlio, trais a chydsynio yn cael eu cyflwyno a'u dehongli drwy ddatblygiad iaith a chyd-destun
- dehongli a gwerthuso themâu mewn llenyddiaeth sy'n ystyried materion megis bwlio, trais a chydsynio
- adnabod rhagfarn a bwriad mewn iaith a llenyddiaeth er mwyn gwneud penderfyniadau diogel wrth rannu gwybodaeth
- datblygu'r sgiliau iaith sydd eu hangen i fynegi eu hunain yn glir er mwyn cadw eu hunain yn ddiogel a defnyddio arferion preifatrwydd diogel
- dadansoddi a gwerthuso'r ffyrdd y mae annibyniaeth corfforol yn cael ei ddatblygu drwy iaith a llenyddiaeth er mwyn meithrin agweddau parchus tuag at eu hunain ac eraill.

## Sgiliau ar gyfer iechyd a lles

Gall dysgwyr:

- ddatblygu sgiliau iaith sy'n eu galluogi i ymwneud ag eraill a mynegi emosiynau a theimladau'n effeithiol

- adnabod rhagfarn mewn iaith a llenyddiaeth i drafod agweddau tuag at iechyd a lles er mwyn llywio penderfyniadau sy'n caniatáu ffordd o fyw iach
- datblygu agwedd gadarnhaol tuag at ddysgu ieithoedd er mwyn ymgysylltu'n effeithiol ag eraill a gwella iechyd meddwl
- manteisio ar y buddiannau i iechyd sy'n gysylltiedig â llenyddiaeth.

## Y corff dynol a'i ddatblygiad

Gall dysgwyr:

- ddod o hyd i gysylltiadau rhwng ac ar draws ieithoedd sy'n ystyried elfennau o'r corff dynol a'i ddatblygiad
- datblygu sgiliau iaith sy'n galluogi dysgwyr i ymgysylltu a mynegi'n effeithiol emosiynau a theimladau sy'n dylanwadu ar ddelwedd gorfforol
- dadansoddi a gwerthuso'r ffordd y mae elfennau o'r corff dynol a'i ddatblygiad yn cael eu creu a'u cyflwyno drwy lenyddiaeth.

## Cyfoethogi a phrofiadau

Mae cynnig cyfleoedd dilys i wrando, darllen, siarad ac ysgrifennu, yn Gymraeg ac yn Saesneg ac mewn ieithoedd rhyngwladol, yn hanfodol i ddysgwyr. Mewn ysgolion cyfrwng Saesneg a dwyieithog mae'n bwysig ystyried a chynllunio ar gyfer cyfleoedd i ddefnyddio Cymraeg ym mhob rhan o'r cwricwlwm ac mewn gweithgareddau y tu allan i'r ystafell ddosbarth fel modd i gyfoethogi datblygiad iaith ac ymestyn y defnydd o'r Gymraeg. Mae dysgu a defnyddio Cymraeg y tu allan i'r ystafell ddosbarth yn rhoi cyd-destunau dysgu dilys, gwerthfawr i bob dysgwr. Yr egwyddor hon hefyd sydd wrth wraidd y Siarter Iaith sy'n rhoi fframwaith ar gyfer galluogi defnydd ehangach dysgwyr o'r Gymraeg.

Dylai pob dysgwr gael cyfle i ddarllen llenyddiaeth sy'n ddiddorol ac yn gyffrous iddynt. Mae cael cysylltiad ag awduron a gwrando arnynt yn darllen yn gymhelliant grymus. Gall awduron/beirdd/perfformwyr o'r ardal leol fod yn fodolau rôl pwysig a pherthnasol. Mae perfformiad yn dod â thestun yn fyw, p'un a yw'r dysgwr yn gwylio neu'n cymryd rhan. Mae profiadau fel y rhai a geir drwy weithdai adrodd stori a drama, y cynllun Llenorion ar Daith, eisteddfodau ysgol ac eisteddfod yr Urdd, gwyliau llên, cystadlaethau'r gair llafar a stomp barddoniaeth, ac ati, yn chwarae rôl bwysig i gynnig dysgu cymhwysol gwerthfawr i ddysgwyr.

Mae dysgwyr angen rhywbeth i siarad ac ysgrifennu amdano, ac mae ymgorffori chwarae a'r amgylchedd awyr agored lle y bo modd yn ffordd o ddatblygu'r dychymyg a chynnig ysgogiadau iddynt fynegi eu hunain.

Gall cydnabod amrywiaeth ddiwylliannol ac ieithyddol Cymru, ei dathlu a manteisio i'r eithaf arni gyfoethogi bywydau ein dysgwyr, a hwyluso cydlyniant cymdeithasol. Mae dysgu drwy brofiad yn creu cymhelliant ac awydd i ddysgu a defnyddio ieithoedd.

Gellir cyfoethogi dysgu iaith a dysgu am ddiwylliannau gwahanol drwy ymgysylltu â phobl yn y gymuned leol a'r gymuned ehangach a thrwy gysylltu'n ddigidol. Dylai ysgolion fanteisio i'r eithaf ar gyfleoedd i gynnwys rhieni, gofalwyr a'r gymuned ehangach.

## Rhoi'r maes dysgu a phrofiad ar waith

Mae cyswllt agos iawn rhwng y pedair elfen a nodwyd fel yr hyn sy'n bwysig mewn Ieithoedd, Llythrennedd a Chyfathrebu. Mae gwranddo a darllen, yn ogystal â siarad ac ysgrifennu, yn perthyn i'w gilydd ac nid ar wahân i'w gilydd. Bydd profiadau cyfoethog ym mhob un o'r pedair elfen yn cefnogi datblygiad yn y tair arall, a dylai gwaith cynllunio'r cwricwlwm ar lefel ysgol adlewyrchu hyn.

Yn yr un modd, dylai'r gwaith cynllunio adlewyrchu'r ffordd y mae'r maes dysgu a phrofiad hwn yn cydnabod y cyswllt sydd rhwng Ieithoedd a'i gilydd a bod dysgu sgiliau mewn un iaith yn cryfhau dysgu'r sgiliau hynny mewn ail a thrydedd iaith, ac yn y blaen. O ran hynny, mae'r maes dysgu a phrofiad hwn yn mynd i'r afael â'r weledigaeth a fynegir yn un o bedwar diben y cwricwlwm, sef, yng nghyd-destun Cymru ddwyieithog, fod Gymraeg a Saesneg fel ei gilydd yn perthyn i holl bobl Cymru ac y bydd 'ein holl blant a phobl ifanc yn ddysgwyr uchelgeisiol, galluog sydd yn gallu cyfathrebu'n effeithiol mewn gwahanol ffurfiau a lleoliadau, drwy Gymraeg a Saesneg'.

Yn ogystal â hyn, mae'r maes dysgu a phrofiad hwn yn cydnabod sut y mae Ieithoedd yn cynnig allwedd i gynhwysiant cymdeithasol ac yn gallu hybu gwell dealltwriaeth yn lleol, yn genedlaethol ac yn fyd-eang. O ganlyniad, mae'r maes dysgu a phrofiad wedi ei gynllunio er mwyn caniatáu i ddysgwyr adeiladu ar yr hyn y maent yn ei wybod am Gymraeg a Saesneg i ddysgu o leiaf un iaith ryngwladol yn yr ysgol a, lle bo dysgwyr yn dod ag Ieithoedd eraill i'r ysgol o'u cartrefi neu eu cymunedau, bod modd dathlu'r Ieithoedd hynny a datblygu Llythrennedd ynddynt i'r graddau y bo hynny'n bosibl.

Bydd y modd y mae dysgwyr yn profi llenyddiaeth yn dylanwadu ar eu gallu i ddefnyddio iaith mewn ffordd greadigol i fynegi eu hunain. Bydd mynediad at lenyddiaeth a chyfleoedd ymdrochi ynddi yn ystod pob cyfnod yn helpu i hwyluso'r broses o ddysgu iaith, yn ogystal ag ysbrydoli defnydd mwy creadigol o iaith, ac i helpu dysgwyr i fyfyrto ar eu profiadau personol a chymdeithasol. At hyn, mae llenyddiaeth yn cynnig cyd-destun gwerthfawr ar gyfer y Maes Dysgu a Phrofiad Ieithoedd, Llythrennedd a Chyfathrebu yn gyffredinol, yn ogystal ag ar gyfer y meysydd dysgu a phrofiad eraill.

Ar ben hynny, mae llenyddiaeth yn cynnig cyd-destun amrywiol i Faes Dysgu a Phrofiad Ieithoedd, Llythrennedd a Chyfathrebu a'r cwricwlwm ehangach, yn ogystal â chyfleoedd i archwilio hunaniaeth a diwylliant.



## YR HYN SY’N BWYSIG MEWN IEITHOEDD, LLYTHRENNEDD A CHYFATHREBU

### Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a’r byd.

Mae dysgu a defnyddio ieithoedd yn ein cysylltu â phobl, lleoedd a chymunedau. Mae’r Maes Dysgu a Phrofiad Ieithoedd, Llythrennedd a Chyfathrebu wedi’i gynllunio i sicrhau bod dysgwyr, fel dinasyddion Cymru ddwyieithog a byd amlieithog, yn gallu defnyddio Gymraeg, Saesneg ac ieithoedd rhyngwladol.

Drwy godi ymwybyddiaeth o amrywiaeth ieithoedd o oedran cynnar, bydd dysgwyr yn gallu adnabod nodweddion tebyg rhwng ieithoedd a gwerthfawrogi’r gwahaniaethau rhyngddynt. Cânt gymorth i feithrin dealltwriaeth o darddiad, esblygiad a nodweddion Cymraeg, Saesneg ac ieithoedd rhyngwladol a fydd yn rhoi set o sgiliau iddynt sy’n mynd y tu hwnt i sgiliau Ieithoedd, Llythrennedd a Chyfathrebu ac yn cynnwys nodweddion megis creadigrwydd, gwydnwch, y gallu i addasu ac empathi. Mae profiadau dysgu ystyrlon mewn cyd-destun amlieithog yn mynd law yn llaw â’r broses o ddysgu am eich hunaniaeth ddiwylliannol eich hun yn ogystal â hunaniaeth ddiwylliannol pobl eraill. Gan hyn felly, bydd y maes dysgu a phrofiad hwn yn meithrin balchder dysgwyr yn eu hunaniaeth fel dinasyddion Cymru a’r byd.

# Dysgu

## Egwyddorion cynnydd

Egwyddorion cynnydd yw'r sail ar gyfer datblygu'r deilliannau cyflawniad, a dylent lywio dilyniant y dysgu o fewn y maes dysgu a phrofiad.

Mae'r disgwyliadau ar gyfer yr agwedd hon o'r Maes Dysgu a Phrofiad Ieithoedd, Llythrennedd a Chyfathrebu yn berthnasol i bob dysgwr ym mhob lleoliad ac ysgol.

Bydd dysgwyr yn gwneud cynnydd o ddangos ymwybyddiaeth o'r ieithoedd a'r diwylliannau sydd o'u cwmpas yn yr ysgol a'r gymuned yn lleol i ddangos dealltwriaeth o gymdeithasau amlddiwylliannol a lluosieithog, nid yn unig yng Nghymru ond dros y byd i gyd.

Ailymwelir â chysyniadau a syniadau ac ymdrinnir â nhw mewn ffyrdd mwy cymhleth wrth i ddealltwriaeth a gallu'r dysgwyr ddod yn fwy soffistigedig.

Dylai gwybodaeth a sgiliau mewn un iaith gefnogi datblygiad gwybodaeth a sgiliau mewn iaith arall, a dylai pob dysgwr gael cefnogaeth i ddatblygu ei sgiliau trawsieithu.

## Cam cynnydd 1

### Deilliannau cyflawniad

Rwyf wedi dod yn ymwybodol o'r gwahanol ieithoedd yn fy ysgol ac yn fy nghymuned, gan gynnwys Cymraeg, Saesneg a, lle bo hynny'n berthnasol, ieithoedd y cartref/gymuned.

Gallaf weld cysylltiadau rhwng fy ieithoedd, e.e. *tri* yn y Gymraeg, *three* yn Saesneg, a *trzy* mewn Pwyleg.

Gallaf gydnabod bod gan bobl wahanol acenion.

Gallaf rannu agweddau sylfaenol ar fy niwylliant fy hun a'm perthynas â Chymru.

Gallaf ddeall fod gan rai pobl fwy nag un iaith a bod yr ieithoedd hynny o bosibl yn wahanol i'm hieithoedd i.

## Cam cynnydd 2

### Deilliannau cyflawniad

Gallaf gyfathrebu mewn gwahanol ieithoedd, gan gynnwys Cymraeg, Saesneg a, lle bo hynny'n berthnasol, ieithoedd y cartref/gymuned.

Gallaf weld cysylltiadau rhwng patrymau geirfa a geiriau cytras yn yr ieithoedd rwy'n eu siarad ac yn eu dysgu, e.e. *car coch/red car/voiture rouge/rotes auto*.

Gallaf gydnabod bod gan bobl wahanol acenion a gwahanol eiriau am bethau.



Gallaf adnabod a thrafod sawl agwedd ar fy niwylliant a'm credoau fy hun a'm hymdeimlad o Gymreictod, a chydabod bod gan bobl eraill ddiwylliant gwahanol, cred wahanol ac ymdeimlad gwahanol o Gymreictod.

Gallaf ddeall fod pobl yn defnyddio ieithoedd amrywiol a bod nodweddion tebyg a gwahanol rhyngom ni a rhwng ein hieithoedd.

Gallaf ddeall buddiannau dysgu ieithoedd.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

### Cam cynnydd 3

#### Deilliannau cyflawniad

Gallaf gyfathrebu mewn amrywiaeth gynyddol o ieithoedd (Cymraeg, Saesneg, iaith ryngwladol a, lle bo hynny'n berthnasol, ieithoedd y cartref/gymuned).

Gallaf ddefnyddio fy sgiliau iaith a'r hyn rwy'n ei wybod am y cysylltiadau rhwng ieithoedd i ddeall nodweddion cyffredin a gwahaniaethau o ran strwythurau gramadegol, geirfa, iaith idiomatig a rhannau ymadrodd i'm helpu i ddysgu.

Rwy'n ymwybodol o'r ffordd y mae gwreidddeiriau yn gweithio a'r ffordd y mae ieithoedd wedi datblygu.

Gallaf adnabod a deall gwahanol acenion a thafodieithoedd.

Gallaf weld cysylltiadau rhwng ac ar draws ieithoedd, a gallaf ddangos gwerthfawrogiad a dealltwriaeth o amrywiaeth ieithoedd.

Gallaf ddeall pam mae lluosieithrwydd o fudd i bobl a chymdeithas a pham mae'n cynyddu cyflogadwyedd.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

### Cam cynnydd 4

#### Deilliannau cyflawniad

Gallaf ddefnyddio fy holl wybodaeth a sgiliau ieithyddol yn llawn, a chael budd ohonynt, gan hwyluso fy ngallu i ddysgu iaith, e.e. drwy gymharu, amnewid ac addasu patrymau cystrawen a gramadeg neu drwy fynegi ystyr gair neu destun mewn iaith arall.

Gallaf ddefnyddio iaith idiomatig gyfarwydd a chywair priodol.

Gallaf werthfawrogi ac ymaddasu i dafodieithoedd, acenion ac amrywiaeth o ieithoedd mewn amgylchiadau cyfarwydd.



Gallaf egluro a thrafod ieithoedd o fewn eu cyd-destun diwylliannol, gan fyfyrir ar werthoedd, credoau ac agweddau, a sut y maent yn rhoi ymdeimlad o berthyn i gymunedau'n lleol neu'n fyd-eang.

Rwy'n ymwybodol o etymoleg geiriau a sut mae ieithoedd ledled y byd wedi esblygu gydag amser.

Gallaf weld cysylltiadau rhwng ac ar draws ieithoedd a gallaf drafod fy agwedd bersonol tuag at wahanol ieithoedd ac amrywiaeth ddiwylliannol.

Gallaf ddadansoddi cysylltiadau diwylliannol, agweddau, rhagdybiaethau, ymddygiadau a nodweddion ieithyddol tebyg a gwahanol.

Gallaf ddadansoddi sut a pham bod lluosieithrwydd o fudd i bobl ac i gymdeithas a pham ei fod yn cynyddu cyflogadwyedd.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 5

### Deilliannau cyflawniad

Gallaf gyfathrebu a rhyngweithio mewn sawl iaith.

Gallaf ddefnyddio amrywiaeth o iaith idiomatig a chywair priodol mewn amrywiaeth o gyd-destunau.

Gallaf werthfawrogi ac addasu'n hyderus i dafodieithoedd, acenion ac amrywiaeth o ieithoedd lle bo angen.

Gallaf ddeall bod dysgu am y cysylltiad rhwng iaith a diwylliant, gwerthoedd a chredoau yn fy mharatoi ar gyfer dinasyddiaeth fyd-eang.

Gallaf gymhwyso'r hyn rwy'n ei wybod am etymoleg geiriau mewn gwahanol gyd-destunau ieithyddol megis iaith hanesyddol, dechnegol neu arbenigol.

Rwyf wedi meithrin agwedd agored tuag at ddysgu ieithoedd gwahanol a dysgu am ddiwylliannau gwahanol fel dinesydd Cymru a'r byd.

Gallaf ddadansoddi a gwerthuso cysylltiadau diwylliannol, agweddau, rhagdybiaethau, ymddygiadau a nodweddion ieithyddol tebyg a gwahanol.

Gallaf werthuso sut a pham mae lluosieithrwydd o fudd i bobl a chymdeithas a sut a pham mae'n cynyddu cyflogadwyedd i ddinasyddion Cymru a'r byd.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Cynllunio ar gyfer dysgu

### Cysylltiadau o fewn y maes dysgu a phrofiad hwn

Mae'r adran hon yn cyflwyno lle gellid cyfoethogi dysgu drwy wneud cysylltiadau gyda phob un datganiad o'r hyn sy'n bwysig ar draws Maes Dysgu a Phrofiad Ieithoedd, Llythrennedd a Chyfathrebu. Ystyrir gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

**Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.**

- Sgiliau derbyn: gwrando/gwyllo a darllen.

**Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.**

- Sgiliau cynhyrchu: siarad ac ysgrifennu.

**Mae llenyddiaeth yn tanio'r dychymyg ac yn ysbrydoli creadigrwydd.**

- Llenyddiaeth a chreadigrwydd.

### Cysylltiadau â meysydd dysgu a phrofiad eraill

Mae'r adran hon yn awgrymu lle gellid cyfoethogi dysgu drwy wneud cysylltiadau rhwng y datganiadau o'r hyn sy'n bwysig ar draws yr holl feysydd dysgu a phrofiad. Mae hefyd yn awgrymu ymhle gellid ystyried gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

### Celfyddydau Mynegiannol

- Llenyddiaeth weledol (y cyfryngau a ffilm).
- Terminoleg y Celfyddydau Mynegiannol a'i hetymoleg.
- Drama, perfformiad, canu.
- Meddwl yn greadigol.
- Datblygu empathi a sensitifrwydd diwylliannol.

### Dyniaethau

- Defnyddio llenyddiaeth fel ffynhonnell ar gyfer y Dyniaethau.
- Terminoleg y Dyniaethau a'i hetymoleg.
- Digwyddiadau a phobl sydd wedi dylanwadu ar gymdeithas a hunaniaeth yng Nghymru.
- Esblygiad ieithoedd (dylanwadau cymdeithasol).
- Gwareiddiad clasurol ac ieithoedd clasurol.
- Hunaniaeth ac iaith.
- Empathi a sensitifrwydd diwylliannol.

## Gwyddoniaeth a Thechnoleg

- Terminoleg Gwyddoniaeth a Thechnoleg a'i hetymoleg.
- Gwneud penderfyniadau gwybodus.
- Rôl adnoddau digidol mewn cyfathrebu cyfoes.
- Ieithoedd cyfrifiadurol.
- Cyfathrebu digidol.

## Iechyd a Lles

- Cydberthnasau a gaiff eu meithrin drwy gyfathrebu.
- Datblygu empathi drwy iaith/lenyddiaeth.
- Terminoleg Iechyd a Lles a'i hetymoleg.
- Llenyddiaeth/darllen/ysgrifennu sy'n gysylltiedig â lles.

## Mathemateg a Rhifedd

- Defnyddio caneuon a rhigymau i addysgu rhifedd cynnar.
- Llythrennedd ar gyfer cyfathrebu.
- Terminoleg fathemategol a'i hetymoleg.
- Mathemateg fel iaith ryngwladol.

## Profiadau, gwybodaeth a sgiliau

### Mae angen i ddysgwyr brofi:

(o Gam cynnydd 1)

- y cyfle i gyfathrebu ag eraill wyneb yn wyneb, drwy ddulliau digidol neu ysgrifenedig
- y cyfle i ddysgu am eu diwylliant eu hunain a diwylliannau eraill, e.e. drwy gyfrwng sain a chyfryngau gweledol a llenyddol, a phrofiadau a chyfnewidiadau
- y cyfle i glywed gwahanol acenion a thafodieithoedd, gan ddechrau gydag acenion a thafodieithoedd lleol a chyfarwydd
- agweddau agored a pharch tuag at ieithoedd a diwylliannau, a'r gwahaniaethau rhyngddynt

(o Gam cynnydd 2)

- y cyfle i ddysgu am wreiddeiriau a tharddiad ieithoedd er mwyn dathlu'r nodweddion sy'n debyg ac yn wahanol rhwng ieithoedd â'i gilydd
- y cyfle i ddysgu bod ieithoedd yn perthyn i wahanol deuluoedd iaith

(o Gam cynnydd 3)

- cyfleoedd i ddysgu am y cysylltiadau rhwng ieithoedd (e.e. mewn terminoleg) ar draws yr holl gwricwlwm.

### Mae angen i ddysgwyr wybod:

(o Gam cynnydd 1)

- bod gwahanol ieithoedd yn eu cymunedau, yng Nghymru ac yn fyd-eang

(o Gam cynnydd 2)

- bod ieithoedd a diwylliannau wedi'u rhyngblethu, eu bod yn dylanwadu ar ei gilydd ac yn hyrwyddo ffyrdd penodol o weld y byd a'i ddeall
- bod mwy na hanner poblogaeth y byd yn defnyddio dwy iaith neu fwy fel rhan o'u bywyd pob-dydd a bod amlieithrwydd i'w weld ar draws bob grŵp oedran, ym mhob agwedd ar gymdeithas ac ar bob cyfandir
- bod ieithoedd yn perthyn i wahanol deuluoedd iaith a'u bod felly yn cynnwys nodweddion tebyg ac annhebyg
- sut y caiff ieithoedd eu llywio gan eu hanes eu hunain a sut y maent yn dylanwadu ar gymdeithas, gan ddechrau â'r Gymraeg a Saesneg a, lle bo hynny'n berthnasol, ieithoedd y cartref/gymuned
- ein bod, drwy ddysgu gwahanol ieithoedd, yn caffael sgiliau ieithyddol sy'n atgyfnerthu sgiliau yn ein mamiaith
- bod y modd y caiff ieithoedd eu defnyddio a'u haddasu yn dibynnu ar y sefyllfa a'r cyd-destun
- y gall ieithoedd newid dros amser

(o Gam cynnydd 3)

- manteision economaidd ieithoedd ar gyfer unigolion a chymdeithas yn lleol, yn genedlaethol ac yn fyd-eang.

## Mae angen i ddysgwyr allu:

(o Gam cynnydd 1)

- dangos agwedd agored a pharch tuag at ieithoedd a diwylliannau, a'r gwahaniaethau rhyngddynt
- gwerthfawrogi, adnabod a deall gwahanol acenion, tafodieithoedd a phriodieithoedd

(o Gam cynnydd 2)

- cyfathrebu mewn ystod gynyddol o ieithoedd a dangos ymwybyddiaeth o'r modd y mae cymhwysedd mewn un iaith yn gallu bod yn gymorth i ddysgu iaith arall
- defnyddio'r cysylltiadau rhwng eu hieithoedd er mwyn hyrwyddo eu gallu i ddysgu iaith oddi fewn i Faes Dysgu a Phrofiad Ieithoedd, Llythrennedd a Chyfathrebu yn ogystal â thu hwnt iddo
- addasu neu newid eu hiaith yn ôl y sefyllfa gymdeithasol ac ieithyddol a chydabod sut y gall eu hiaith effeithio ar eraill
- sylwi ar y nodweddion tebyg ac annhebyg yn yr ieithoedd a gaiff eu dysgu
- myfyrion ar agweddau diwylliannol ac ystyried y buddiannau y gall ieithoedd lluosog eu cyfrannu at gymdeithas
- datblygu sgiliau trawsieithu yn Gymraeg, yn Saesneg a, lle bo hynny'n berthnasol, yn ieithoedd y cartref/gymuned

(o Gam cynnydd 3)

- dangos cymhwysedd lluosieithog
- datblygu sgiliau trawsieithu yn Gymraeg, yn Saesneg ac mewn ieithoedd rhyngwladol, a, lle bo hynny'n berthnasol, yn ieithoedd y cartref/gymuned
- defnyddio sgiliau trawsieithu a sgiliau cyfieithu sylfaenol, gan gynnwys deall sut i ddefnyddio meddalwedd cyfieithu'n effeithiol, ond gan ddeall ei chyfyngiadau a'r risgiau sy'n gysylltiedig â gorddibynnu arni.



## YR HYN SY’N BWYSIG MEWN IEITHOEDD, LLYTHRENNEDD A CHYFATHREBU

**Mae dysgwyr sy’n gwrando ac yn darllen  
yn effeithiol yn barod i ddysgu drwy  
gydol eu hoes.**

Mae ieithoedd a llythrennedd yn hanfodol i alluogi pobl i gyfathrebu â’i gilydd. Maent yn fodd i ddehongli’r hyn a glywn, a ddarllenwn ac a welwn er mwyn datblygu ein dealltwriaeth, ein hempoethi a’n gallu i ymateb yn effeithiol.

Bydd y Maes Dysgu a Phrofiad Ieithoedd, Llythrennedd a Chyfathrebu yn cynnig cyfleoedd i ddysgwyr brofi iaith lafar ac ysgrifenedig yn ogystal â delweddau mewn amrywiaeth o ffurfiau a genres. Cynllunnir y profiadau cyfoethog ac amrywiol hyn er mwyn datblygu gallu dysgwyr i ddod yn greadigol ac yn fentrus wrth ddefnyddio Cymraeg, Saesneg ac ieithoedd rhyngwladol. Byddant hefyd yn helpu dysgwyr i feithrin y sgiliau sydd eu hangen arnynt i ddehongli’n feirniadol a diduedd yr hyn a glywant, a welant ac a ddarllenant, ac er mwyn chwarae eu rhan yn effeithiol fel dinasyddion Cymru a’r byd.

## Dysgu

### Egwyddorion cynnydd

Egwyddorion cynnydd yw'r sail ar gyfer datblygu'r deilliannau cyflawniad a dylent lywio dilyniant y dysgu o fewn y maes dysgu a phrofiad.

#### Gwrando a darllen

Mae'r sgiliau gwrando a darllen a ddatblygir mewn un iaith yn darparu sail i'w datblygiad mewn iaith arall, waeth pa iaith ddaeth yn gyntaf, e.e. mae datblygu sgiliau gwrando a darllen yn Gymraeg yn cefnogi datblygiad y sgiliau hyn yn Saesneg ac fel arall.

Caiff cynnydd mewn gwrando a darllen yn yr ieithoedd rhyngwladol ei nodi o Gam cynnydd 3, tra bo cydnabyddiaeth fod hyn yn adeiladu ar yr wybodaeth a'r sgiliau ieithyddol a ddysgwyd o Gam cynnydd 1.

#### Gwrando

Wrth ddysgu sgiliau gwrando, mae dysgwyr yn gwneud cynnydd o fod yn wrandawyr goddefol a sylwgar i fod yn wrandawyr gweithredol, myfyriol ac empathetig.

Yn eu hail a'u trydedd iaith ac yn y blaen, mae dysgwyr yn gwneud cynnydd o ddeall pobl yn siarad yn araf a chlir i ddeall amrywiaeth o siaradwyr sydd ag acenion a thafodieithoedd gwahanol ac sydd o bosib yn siarad yn fwy cyflym.

#### Darllen

Wrth ddysgu darllen, mae dysgwyr yn gwneud cynnydd o ddatblygu ymwybyddiaeth ffonolegol i ddatblygu uwch sgiliau darllen megis deall ystyron sydd ymhlyg yn y testun, dod i gasgliad a dehongli. Wrth i sgiliau dysgwyr ddatblygu, gallant ddarllen testunau mwy heriol, amrywiol a chymhleth.

#### Cyffredinol

Ailymwelir â chysyniadau a syniadau ac ymdrinnir â nhw mewn ffyrdd mwy cymhleth wrth i ddealltwriaeth a gallu'r dysgwyr ddod yn fwy soffistigedig.

Mae angen i bob dysgwr gael cefnogaeth i feithrin eu sgiliau trawsieithu.



## Cymraeg/Saesneg

### Cam cynnydd 1

#### Deilliannau cyflawniad

##### Gwrando

Gallaf ddefnyddio ciwiau i ragfynegi'r ystyr yn fras wrth wrando ar iaith gyffredin.

Gallaf adnabod a dilyn gwybodaeth am bynciau cyfarwydd.

Gallaf ddeall amrywiaeth o gwestiynau a cheisiadau am wybodaeth yn ymwneud â phynciau neu weithredoedd pob-dydd.

Gallaf wrando ar eraill a cheisio efelychu eu geirfa, cystrawen, strwythurau gramadeg ac ynganiad er mwyn gwella fy ngallu personol i gyfathrebu.

[Datganiad Cymraeg] Gallaf sylwi bod rhai llythrennau'n treiglo ar ddechrau geiriau.

##### Darllen

Gallaf ddefnyddio gwybodaeth am odlau, sillafau, llythrennau a'r berthynas rhwng synau a symbolau er mwyn darllen geiriau a phennu ystyr.

Gallaf adnabod a darllen geiriau aml eu defnydd.

[Datganiad Cymraeg] Gallaf sylwi bod rhai llythrennau'n treiglo ar ddechrau geiriau.

Gallaf wrando ar destunau y byddaf yn eu clywed, eu gweld neu eu darllen, ac ymateb iddynt.

Gallaf ofyn ac ateb cwestiynau am y testunau y byddaf yn eu clywed, eu gweld neu eu darllen.

### Cam cynnydd 2

#### Deilliannau cyflawniad

##### Gwrando

Gallaf ddefnyddio ciwiau i ragfynegi'r ystyr cyffredinol mewn amrywiaeth o gyd-destunau llafar cyfarwydd ac anghyfarwydd.

Gallaf ddeall gwybodaeth syml am bynciau cyfarwydd, gan sylwi ar negeseuon cyffredinol a manylion penodol.

Gallaf ddeall ystod o gwestiynau a cheisiadau am amrywiaeth o bynciau cyfarwydd ac anghyfarwydd.

Gallaf wrando er mwyn pennu ystyr geiriau newydd, ymadroddion idiomatig a brawddegau, a'u defnyddio wrth gyfathrebu.

[Datganiad Cymraeg] Gallaf adnabod geiriau cyfarwydd sydd wedi eu treiglo.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

### **Darllen**

Gallaf ddarllen geiriau a brawddegau o wahanol destunau gan ddefnyddio amrywiaeth o strategaethau i greu ystyr.

[Datganiad Cymraeg] Gallaf adnabod geiriau cyfarwydd sydd wedi eu treiglo.

Gallaf ddarllen ar goedd gyda mynegiant, gan roi sylw i atalnodi.

Gallaf ddefnyddio ystyron sydd ymhlyg mewn testun a chasgliadau syml wrth ymateb i destunau y byddaf yn eu darllen, gan ofyn cwestiynau a dangos fy mod wedi deall y cynnwys.

Gallaf ddod o hyd i wybodaeth o wahanol destunau y byddaf yn eu darllen, cymharu'r wybodaeth honno a'i defnyddio.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

## **Cam cynnydd 3**

### **Deilliannau cyflawniad**

#### **Gwranddo**

Gallaf ddefnyddio ciwiau i ragfynegi'r ystyr cyffredinol mewn gwahanol gyd-destunau ar draws amrywiaeth o bynciau.

Gallaf ddeall gwybodaeth syml am bynciau cyfarwydd, gan sylwi ar negeseuon cyffredinol a manylion penodol.

Gallaf ddeall amrywiaeth o gwestiynau a cheisiadau am amrywiaeth o bynciau cyfarwydd ac anghyfarwydd.

Gallaf ddeall syniadau a gaiff eu hawgrymu'n unig ac nid eu nodi'n amlwg.

Gallaf wrando er mwyn creu cronfa o eiriau, iaith idiomatig a brawddegau a'u defnyddio wrth gyfathrebu.

[Datganiad Cymraeg] Gallaf ddefnyddio'r hyn rwy'n ei wybod am fathau cyffredin o dreigladau i bennu ystyr.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### **Darllen**

Gallaf ddefnyddio'r hyn rwy'n ei wybod am wreiddeiriau, teuluoedd o eiriau, cystrawen a'r ffordd y caiff testunau eu trefnu er mwyn fy helpu i ddeall.

Gallaf ddarllen ar goedd gan ddangos rhuglder a hyder.

Gallaf ennyn diddordeb y gwrandäwr yn briodol, fel y bo angen.

[Datganiad Cymraeg] Gallaf ddefnyddio'r hyn rwy'n ei wybod am fathau cyffredin o dreigladau i bennu ystyr.

Gallaf ddefnyddio ystyron sydd ymhlyg mewn testun a chasgliadau cymhleth, a gofyn cwestiynau wrth werthuso cynnwys testunau y byddaf yn eu darllen.

Gallaf ystyried dibynadwyedd yr hyn y byddaf yn ei ddarllen er mwyn helpu i lywio fy safbwyntiau a'm syniadau.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Gwrando

Gallaf adnabod a rhagfynegi'r ystyr cyffredinol mewn gwahanol gyd-destunau ar draws amrywiaeth eang o bynciau a chyd-destunau cymhleth.

Gallaf ddeall iaith lafar estynedig mewn amrywiaeth o dafodieithoedd ac acenion.

Gallaf nodi'n annibynnol syniadau a gaiff eu hawgrymu'n unig ond nid eu nodi'n amlwg.

Gallaf ddangos fy mod yn deall cwestiynau agored ar amrywiaeth o bynciau drwy ddarparu'r wybodaeth fanwl sydd ei hangen mewn ymateb.

Gallaf wrando er mwyn creu cronfa gynhwysfawr o eiriau, iaith idiomatig a brawddegau i'w defnyddio wrth gyfathrebu.

[Datganiad Cymraeg] Gallaf ddefnyddio'r hyn rwy'n ei wybod am bob math o dreigladau i bennu ystyr.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### Darllen

Gallaf ddefnyddio ystyron sydd ymhlyg mewn testun a chasgliadau i werthuso techneg a diben awdur yn feirniadol.

Gallaf gymharu a chyferbynnu themâu a materion ar draws amrywiaeth o destunau y byddaf yn eu darllen, gan ddod o hyd i ffeithiau, tystiolaeth a thuedd.

[Datganiad Cymraeg] Gallaf ddefnyddio'r hyn rwy'n ei wybod am bob math o dreigladau i bennu ystyr.

Gallaf grynhoi, cyfodod a dadansoddi gwybodaeth er mwyn meithrin dealltwriaeth fanwl.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 5

### Deilliannau cyflawniad

#### Gwranddo

Gallaf adnabod a rhagfynegi'r ystyr cyffredinol ar draws amrywiaeth eang o gyweiriau, cyd-destunau a phynciau ffurfiol ac anffurfiol.

Gallaf adnabod themâu neu syniadau a awgrymir mewn gwahanol gyd-destunau.

Gallaf ddeall cwestiynau manwl neu estynedig.

Gallaf wrando ar syniadau a safbwyntiau a fynegwyd gan eraill er mwyn ystyried, addasu a gwerthuso'n feirniadol y modd yr wyf fi fy hun yn cyfathrebu.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

#### Darllen

Gallaf ddarllen yn feirniadol er mwyn llunio safbwynt gwybodus a chytbwys.

Gallaf gynnig dehongliadau craff a/neu wreiddiol o'r hyn y byddaf yn ei ddarllen.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Cymraeg mewn lleoliadau/ysgolion/ffrydiau cyfrwng Saesneg

Wrth i'r carfanau cyntaf o ddysgwyr gwblhau eu taith drwy Gwricwlwm i Gymru 2022, caiff y deilliannau cyflawniad canlynol ar gyfer y Gymraeg mewn lleoliadau/ysgolion/ffrydiau cyfrwng Saesneg eu hadolygu a bydd y disgwyliadau'n cynyddu.

### Cam cynnydd 1

#### Deilliannau cyflawniad

##### Gwranddo

Gallaf ddefnyddio ciwiau i ragfynegi, adnabod a dilyn yr ystyr yn fras wrth wrando ar iaith lafar gyffredin sydd yn cael ei hategu, lle bo hynny'n berthnasol, gan luniau neu ystumiau corfforol i gefnogi fy nealltwriaeth.

Gallaf ymateb gyda geiriau neu heb eiriau wrth wrando.

Gallaf ddeall cyfarchion a gwybodaeth syml, wedi'u hategu gan luniau neu ystumiau corfforol neu wedi'u hailadrodd lle bo angen.

Gallaf wrando ar eraill a cheisio efelychu synau a geiriau ac ymadroddion pob-dydd er mwyn gwella fy ngallu personol i gyfathrebu.

##### Darllen

Gallaf adnabod ac ynganu llythrennau a geiriau syml yn Gymraeg.

Gallaf wrando ar yr hyn a ddarllenir i mi ac ymateb.

Gallaf ateb cwestiynau am yr hyn a gaiff ei darllen i mi.

### Cam cynnydd 2

#### Deilliannau cyflawniad

##### Gwranddo

Gallaf ddefnyddio ciwiau i ragfynegi ac adnabod yr ystyr mewn iaith lafar gyffredin.

Gallaf adnabod iaith a dilyn gwybodaeth ar bynciau cyfarwydd.

Gallaf ddeall amrywiaeth o gwestiynau a cheisiadau am wybodaeth sy'n ymwneud â phynciau neu weithredoedd cyfarwydd.

Gallaf wrando ar eraill i efelychu eu hiaith er mwyn gwella fy ynganiad a'm sgiliau iaith ac er mwyn gwella fy nghyfathrebu.

Gallaf sylwi bod llythrennau yn treiglo ar ddechrau geiriau.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

## Darllen

Gallaf ddefnyddio gwybodaeth am odlau, sillafau, llythrennau a'r perthnasau rhwng synau a symbolau er mwyn darllen geiriau a phennu ystyr.

Gallaf adnabod a darllen geiriau aml eu defnydd a dysgu geirfa ac iaith idiomatig newydd.

Gallaf sylwi bod llythrennau yn treiglo ar ddechrau geiriau.

Gallaf ymateb i'r hyn y byddaf yn ei ddarllen.

Gallaf ofyn ac ateb cwestiynau am yr hyn y byddaf yn ei ddarllen.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

## Cam cynnydd 3

### Deilliannau cyflawniad

#### Gwrando

Gallaf ddefnyddio ciwiau i ragfynegi ac adnabod ystyr mewn gwahanol gyd-destunau ar draws amrywiaeth o bynciau cyfarwydd.

Gallaf ddeall gwybodaeth am bynciau cyfarwydd, gan sylwi ar negeseuon cyffredinol a manylion penodol.

Gallaf ddeall ystod o gwestiynau a cheisiadau am amrywiaeth o bynciau.

Gallaf ddefnyddio cyfleoedd gwrando er mwyn deall geiriau newydd, iaith idiomatig a chystrawen brawddegau, a gallaf eu defnyddio wrth gyfathrebu.

Gallaf adnabod geiriau cyfarwydd sydd wedi eu treiglo.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### Darllen

Gallaf ddefnyddio'r hyn rwy'n ei wybod am synau llythrennau a gwreidddeiriau Cymraeg i ddadgodio geiriau.

Gallaf ddefnyddio geiriau, iaith idiomatig, ymadroddion, brawddegau a thestunau rwyf wedi'u darllen i wella fy sgiliau siarad ac ysgrifennu.

Gallaf ddarllen geiriau a brawddegau o wahanol destunau gan ddefnyddio amrywiaeth o strategaethau i bennu ystyr.

Gallaf ddarllen ar goedd i eraill gyda mynegiant i gyfleu ystyr.

Gallaf adnabod geiriau cyfarwydd sydd wedi eu treiglo.

Gallaf ddarllen gwahanol fathau o destun a deall eu hystyr a'u dibenion.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Gwrando

Gallaf adnabod a rhagfynegi'r ystyr mewn gwahanol gyd-destunau ar draws amrywiaeth o bynciau cyfarwydd ac anghyfarwydd.

Gallaf ddeall iaith lafar safonol, ar bynciau cyfarwydd ac anghyfarwydd, mewn amrywiaeth o gyd-destunau.

Gallaf ddeall amrywiaeth o gwestiynau a cheisiadau am amrywiaeth o bynciau cyfarwydd ac anghyfarwydd.

Gallaf ddefnyddio cyfleoedd gwrando er mwyn creu cronfa o eiriau, iaith idiomatig a brawddegau i'w defnyddio wrth gyfathrebu.

Gallaf ddefnyddio'r hyn rwy'n ei wybod am fathau cyffredin o dreigladau i bennu ystyr.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### Darllen

Gallaf ddefnyddio'r hyn rwy'n ei wybod am wreiddeiriau, teuluoedd o eiriau, cystrawen a'r ffordd y caiff testunau eu trefnu er mwyn fy helpu i ddeall.

Gallaf ddarllen ar goedd i eraill gyda mynegiant i gyfleu ystyr.

Gallaf ddefnyddio'r hyn rwy'n ei wybod am fathau cyffredin o dreigladau i bennu ystyr.

Gallaf ddefnyddio'r hyn rwyf wedi'i ddarllen i roi ystyriaeth i'r byd ehangach.

Gallaf ddarllen amrywiaeth o destunau sy'n gwella fy sgiliau siarad ac ysgrifennu fy hun.

Gallaf ddefnyddio ystyron sydd ymhlyg mewn testun a chasgliadau a gofyn cwestiynau wrth werthuso cynnwys testunau.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.



## Cam cynnydd 5

### Deilliannau cyflawniad

#### Gwrando

Gallaf ddefnyddio ciwiau i ragfynegi ac adnabod yr ystyr mewn gwahanol gyd-destunau ar draws amrywiaeth eang o bynciau.

Gallaf ddeall gwybodaeth fanwl wrth wrando ar iaith lafar estynedig mewn amrywiaeth o dafodieithoedd ac acenion.

Gallaf ddangos fy mod yn deall cwestiynau agored ar amrywiaeth o bynciau drwy ddarparu'r wybodaeth fanwl sydd ei hangen mewn ymateb.

Gallaf ddefnyddio cyfleoedd gwrando er mwyn creu cronfa gynhwysfawr o eiriau, iaith idiomatig a brawddegau i'w defnyddio wrth gyfathrebu.

Gallaf ddefnyddio'r hyn rwy'n ei wybod am bob math o dreigladau i bennu ystyr.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

#### Darllen

Gallaf ddefnyddio gwybodaeth am wreiddeiriau, berfau, cystrawen a dulliau trefnu testun i ategu uwch sgiliau darllen.

Gallaf ddarllen ar goedd gan ddangos lefel dda o ruglder a hyder, ac mae fy narllen yn ennyn diddordeb y gwrandäwr.

Gallaf ddefnyddio'r hyn rwy'n ei wybod am bob math o dreigladau i bennu ystyr.

Gallaf ymateb yn wybodus i destunau.

Gallaf ddarllen yn feirniadol er mwyn llunio safbwynt gwybodus a chytbwys.

Rwyf wedi darllen yn eang er mwyn gwella fy sgiliau Cymraeg llafar ac ysgrifenedig.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Ieithoedd rhyngwladol

### Cam cynnydd 1

#### Deilliannau cyflawniad

Rwyf wedi meithrin gwybodaeth a sgiliau yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail ar gyfer dysgu iaith ryngwladol (ieithoedd rhyngwladol).

### Cam cynnydd 2

#### Deilliannau cyflawniad

Rwyf wedi meithrin gwybodaeth a sgiliau yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail ar gyfer dysgu iaith ryngwladol (ieithoedd rhyngwladol).

Rwyf wedi clywed ac wedi gweld ieithoedd rhyngwladol yn cael eu defnyddio.

### Cam cynnydd 3

#### Deilliannau cyflawniad

##### Gwranddo

Gallaf adnabod yr ystyr cyffredinol mewn brawddegau syml.

Gallaf adnabod a deall geiriau cyfarwydd, geiriau cytras ac ymadroddion, sgysiau a chwestiynau sylfaenol am fy mywyd bob dydd a'm hamgylchedd uniongyrchol.

Gallaf ddefnyddio cyfleoedd gwranddo i wella fy ynganiad, fy ngoslef a'm hacen er mwyn gwella fy sgiliau iaith.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

##### Darllen

Gallaf adnabod y llythrennau/cymeriadau a'r synau cyfatebol wrth ddarllen.

Gallaf ynganu'r rhan fwyaf o eiriau yn gywir pan fyddaf yn darllen geiriau ac ymadroddion cyfarwydd ar goedd.

Gallaf ddarllen ac adnabod geirfa a brawddegau cyfarwydd mewn testunau byr sy'n codi o gyd-destun bob-dydd y dosbarth.

Gallaf ddefnyddio offer, gan gynnwys geiriadur neu restr geirfa, a strategaethau eraill er mwyn deall geiriau anghyfarwydd.

Gallaf ddeall strwythurau brawddeg syml a gallaf ddeall rhai geiriau, geiriau cytras, arwyddion a symbolau.

Gallaf ddarllen a deall testunau sy'n addas i'r cam cynnydd.

Gallaf gytuno neu anghytuno â ffeithiau sylfaenol y byddaf yn eu darllen.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Gwranddo

Gallaf ddefnyddio ciwiau i ragfynegi'r ystyr cyffredinol mewn sgysiau pob-dydd.

Gallaf adnabod a deall ymadroddion, prif bwyntiau, ffeithiau, syniadau, barnau cyferbyniol, patrymau geiriau anghyfarwydd a chwestiynau ar bynciau cyfarwydd mewn gwahanol gyd-destunau.

Gallaf ddefnyddio cyfleoedd gwranddo mewn gwahanol gyd-destunau i werthuso a gwella yr hyn rwy'n ei wybod am ynganiad, goslef, acen, strwythurau a geirfa er mwyn gwella fy sgiliau iaith.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### Darllen

Gallaf ddarllen ac adnabod geirfa a brawddegau cyfarwydd o fewn testunau sy'n codi o amgylchiadau pob-dydd.

Gallaf ddefnyddio amrywiaeth o strategaethau llythrennedd er mwyn deall, dod i gasgliadau a gwerthuso testunau.

Gallaf ddefnyddio'r hyn rwy'n ei wybod am ramadeg i ddadansoddi testun er mwyn didynnu'r ystyr.

Gallaf ddarllen a deall testunau ffeithiol syml ar bynciau sy'n ymwneud â'm profiad a'm diddordebau.

Gallaf ynganu'r rhan fwyaf o'r geiriau yn gywir gydag acen briodol wrth ddarllen ar goedd.

Gallaf gytuno, anghytuno neu fynegi barn yn seiliedig ar destunau sy'n addas i'r cam cynnydd.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 5

### Deilliannau cyflawniad

#### Gwranddo

Gallaf ddefnyddio ciwiau i ragfynegi'r ystyr mewn gwahanol gyd-destunau ar draws amrywiaeth o bynciau a chyweiriau.

Gallaf ddeall manylion penodol, gwybodaeth berthnasol, sgysiau estynedig, cwestiynau a strwythurau brawddegau am gyd-destunau pob-dydd neu bynciau arbenigol cyfarwydd.

Gallaf ddefnyddio cyfleoedd gwranddo mewn llawer o wahanol gyd-destunau i werthuso'n feirniadol yr hyn y byddaf yn ei glywed ac i wella fy mynegiant llafar fel ieithydd annibynol.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

#### Darllen

Gallaf ddarllen a dadansoddi testunau hwy er mwyn dod o hyd i'r wybodaeth sydd ei hangen a chasglu gwybodaeth o wahanol rannau o destun neu o wahanol ffonellau er mwyn cwblhau tasg benodol.

Gallaf ddefnyddio amrywiaeth o strategaethau i ddarllen a deall testunau anghyfarwydd er mwyn dod i gasgliadau.

Gallaf ddefnyddio'r hyn rwy'n ei wybod am ieithoedd eraill er mwyn dehongli, rhagfynegi a dod i gasgliad ynghylch ystyr tebygol geiriau anghyfarwydd mewn testunau heriol.

Gallaf ddeall testunau estynedig mewn amrywiaeth o arddulliau a ffurfiau.

Gallaf ynganu geiriau yn gywir ag acen briodol wrth ddarllen ar goedd.

Gallaf ymateb i destun a'i ddadansoddi, llunio barnau a dod i gasgliadau, a chreu cysylltiadau yn seiliedig ar yr hyn y byddaf yn ei ddarllen.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Cynllunio ar gyfer dysgu

### Cysylltiadau o fewn y maes dysgu a phrofiad hwn

Mae'r adran hon yn cyflwyno lle gellid cyfoethogi dysgu drwy wneud cysylltiadau gyda phob un datganiad o'r hyn sy'n bwysig ar draws Maes Dysgu a Phrofiad Ieithoedd, Llythrennedd a Chyfathrebu. Ystyrir gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

#### **Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.**

- Hunaniaeth a diwylliannau trwy ieithoedd.

#### **Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.**

- Sgiliau cynhyrchu: siarad ac ysgrifennu.

#### **Mae llenyddiaeth yn tanio'r dychymyg ac yn ysbrydoli creadigrwydd.**

- Llenyddiaeth a chreadigrwydd.

### Cysylltiadau â meysydd dysgu a phrofiad eraill

Mae'r adran hon yn awgrymu lle gellid cyfoethogi dysgu drwy wneud cysylltiadau rhwng y datganiadau o'r hyn sy'n bwysig ar draws yr holl feysydd dysgu a phrofiad. Mae hefyd yn awgrymu ymhle gellid ystyried gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

Mae sgiliau ieithoedd, llythrennedd a chyfathrebu da yn hanfodol ym mhob maes dysgu a phrofiad, er enghraifft er mwyn:

- canfod ystyr, a deall y testunau a ddarllenir
- trafod yr hyn y maent wedi'i ddarllen a dod i ddeall testun yn llawn
- defnyddio technegau asesu ar gyfer dysgu sy'n gofyn iddynt werthuso eu gwaith eu hunain a gwaith eraill, a gwneud awgrymiadau ar gyfer gwella.

### Celfyddydau Mynegiannol

- Llenyddiaeth weledol (y cyfryngau a ffilm).
- Terminoleg y Celfyddydau Mynegiannol a'i hetymoleg.
- Drama, perfformiad, canu.

## Dyniaethau

- Terminoleg y Dyniaethau a'i hetymoleg.
- Empathi a sensitifrwydd diwylliannol.

## Gwyddoniaeth a Thechnoleg

- Terminoleg Gwyddoniaeth a Thechnoleg a'i hetymoleg.
- Y cysylltiadau rhwng sgiliau meddwl yn feirniadol/dadansoddol.
- Gwneud penderfyniadau gwybodus.
- Ymdrin â gwybodaeth gymhleth a'i dadansoddi.
- Rôl adnoddau digidol mewn cyfathrebu cyfoes.
- Cyfathrebu digidol.

## Iechyd a Lles

- Cydberthnasau a gaiff eu meithrin drwy gyfathrebu.
- Datblygu empathi drwy iaith/llenyddiaeth.
- Terminoleg Iechyd a Lles a'i hetymoleg.
- Llenyddiaeth/darllen/ysgrifennu sy'n gysylltiedig â lles.

## Mathemateg a Rhifedd

- Defnyddio caneuon a rhigymau i addysgu rhifedd cynnar.
- Llythrennedd er mwyn deall.
- Sgiliau cyfathrebu ar gyfer datrys problemau mewn ffordd gydweithredol.
- Terminoleg fathemategol a'i hetymoleg.

## Profiadau, gwybodaeth a sgiliau

### Gwrando

#### Mae angen i ddysgwyr brofi:

(o Gam cynnydd 1)

- amgylcheddau iaith cyfoethog
- amrywiaeth o wahanol fathau o sgysiau (unigol, grŵp, ffurfiol ac anffurfiol) o amrywiaeth o ffynonellau
- modelau iaith gan amrywiaeth o siaradwyr
- cyfleoedd i ymgysylltu a rhyngweithio ag amrywiaeth o bobl
- geirfa uchelgeisiol ac iaith idiomatig er mwyn gwella dewisiadau iaith
- cyfleoedd i gwestiynu er mwyn meithrin dealltwriaeth
- cyfleoedd i brofi gwahanol bynciau mewn cyd-destunau dilys, gan gynnwys drwy feysydd dysgu a phrofiad eraill
- sgysiau sy'n eu herio ac yn eu hannog i archwilio meysydd o ddiddordeb gyda dyfnder cynyddol
- cyfleoedd i fyfrio ar eu gwaith gwrando eu hunain er mwyn meithrin eu sgiliau ymhellach
- cyfleoedd i glywed testunau sy'n addas i'r cam cynnydd yn yr iaith (ieithoedd) y gallant ei (eu) deall, nid yn unig o fewn ond tu hwnt i Faes Dysgu a Phrofiad Ieithoedd, Llythrennedd a Chyfathrebu

(o Gam cynnydd 2)

- iaith y gellir ei dehongli mewn gwahanol ffyrdd
- trafodaethau a all fod yn ddadleuol

(o Gam cynnydd 3)

- trafodaethau sy'n caniatáu iddynt ddod i gasgliadau a chanolbwyntio ar ystyron sydd ymhlyg mewn testunau
- trafodaethau a all fod yn ddadleuol, gan gynnwys rhyngweithio ar-lein
- amgylcheddau amlieithog.

#### Mae angen i ddysgwyr wybod:

(o Gam cynnydd 1)

- sut i ofyn am help pan na fyddant yn deall

(o Gam cynnydd 2)

- y termau sy'n gysylltiedig â siarad (e.e. cywair, tòn, tafodiaith)
- bod y ffordd y caiff sgwrs ei strwythuro, ei threfnu a'i chyflwyno yn effeithio ar ddealltwriaeth gwrandawyr o'i chynnwys
- bod yr hyn y byddwn yn ei glywed yn dylanwadu ar ein safbwyntiau ar lefel ymwybodol ac isymwybodol



(o Gam cynnydd 3)

- bod y ffordd y caiff iaith lafar ei dehongli yn wahanol yn ôl profiadau personol a chymdeithasol a chefnidir diwylliannol a dealltwriaeth y gwrandäwr
- sut i ddeall swyddogaethau geiriau er mwyn pennu ystyr geiriau anghyfarwydd mewn sefyllfaoedd anghyfarwydd.

### **Mae angen i ddysgwyr allu:**

(o Gam cynnydd 1)

- gwranddo er mwyn pennu hanfod, manylion a chwestiynau a dadgodio eu hystyr
- rhagfynegi ar sail ciwiau llafar yr hyn sy'n mynd i ddigwydd
- dehongli mynegiad wyneb a chiwiau dieiriau
- defnyddio iaith y corff er mwyn dangos eu bod yn talu sylw
- cymryd rhan wrth ryngweithio mewn grŵp ac yn gymdeithasol gan wybod pa adegau sy'n briodol i ymuno
- dilyn y patrymau sain/geiriau mewn caneuon a rhigymau
- meithrin sgiliau iaith drwy ganeuon a rhigymau a thrwy wrando ar straeon, eu hailadrodd a dangos diddordeb
- gwranddo ar y prif bwyntiau er mwyn ailadrodd
- gwranddo er mwyn ffurfio cwestiynau ac ymateb iddynt

(o Gam cynnydd 2)

- gwranddo ar y prif bwyntiau er mwyn crynhoi
- defnyddio amrywiaeth o strategaethau gwranddo er mwyn awgrymu ystyr a dod i gasgliad ynghylch ystyr
- defnyddio technegau er mwyn cymryd rhan mewn gweithgareddau lle mae angen gwranddo am gyfnodau estynedig
- cymryd rhan mewn dadleuon a thrafodaethau gan adeiladu ar safbwyntiau eraill ac ymateb iddynt
- adnabod diben ac effaith gwahanol fathau o sgwrs a myfyrio'n feirniadol arnynt
- defnyddio sgiliau trawsieithu yn Gymraeg, yn Saesneg a, lle bo hynny'n berthnasol, yn ieithoedd y cartref/gymuned

(o Gam cynnydd 3)

- defnyddio sgiliau trawsieithu yn Gymraeg, yn Saesneg ac mewn ieithoedd rhyngwladol, a, lle bo hynny'n berthnasol, yn ieithoedd y cartref/gymuned.

## Darllen

### Mae angen i ddysgwyr brofi:

(o Gam cynnydd 1)

- datblygu ymwybyddiaeth ffonolegol mewn modd systematig
- amrywiaeth eang o destunau, gan gynnwys testunau amlfodd, ar ffurf papur, digidol, electronig a byw, sy'n meithrin eu mwynhad o ddarllen a gwylio pwrpasol, ac yn eu hannog i archwilio llyfrau a thechnolegau newydd
- cyfleoedd i ddewis eu deunyddiau darllen eu hunain yn ôl eu diddordebau neu ddiben
- cyfleoedd i drafod testunau, gan eu cysylltu â'u profiadau eu hunain
- cyfleoedd i ddarllen testunau sy'n addas i'r cam cynnydd yn yr iaith (ieithoedd) y gallant ei (eu) deall, nid yn unig o fewn ond tu hwnt i Faes Dysgu a Phrofiad Ieithoedd, Llythrennedd a Chyfathrebu
- testunau heriol
- cyfleoedd i fyfyrion ar eu gwaith darllen eu hunain er mwyn gwella eu sgiliau

(o Gam cynnydd 2)

- cyfleoedd i drafod testunau, gan eu cysylltu â'u profiadau eu hunain, gan gynnwys trafodaethau cydweithredol ar-lein
- testunau, gan gynnwys testunau amlfodd, sy'n eu hannog i ystyried themâu cymhleth a materion cyfoes, ac i drafod a chwestiynu'r gwerthoedd a gyflwynir yn y testunau hynny

(o Gam cynnydd 3)

- cyfleoedd i ymchwilio i ystyron llythrennol a symbolaidd.

### Mae angen i ddysgwyr wybod:

(o Gam cynnydd 1)

- sut mae llythrennau yn mapio i synau a bod un llythyren, neu glwstwr o lythrennau, yn cael ei hynganu (eu hynganu) mewn sawl ffordd
- bod gan ddarllen wahanol ddibenion

(o Gam cynnydd 2)

- y gellir dehongli testunau mewn ffyrdd gwahanol yn ôl profiadau personol a chefnidir cymdeithasol a diwylliannol a dealltwriaeth y darllenwr
- y gellir darllen rhai testunau ar sawl lefel ac y gall testunau ddylanwadu
- nodweddion trefniadol a strwythurol gwahanol destunau, gan gynnwys testunau amlfodd.

### Mae angen i ddysgwyr allu:

(o Gam cynnydd 1)

- defnyddio amrywiaeth o strategaethau er mwyn adnabod geiriau anghyfarwydd
- defnyddio amrywiaeth o strategaethau er mwyn deall testun(au)
- dod o hyd i rannau o destun sydd o ddiddordeb penodol iddynt

(o Gam cynnydd 2)

- dod o hyd i wybodaeth a'i hadfer o ffynonellau priodol ac mewn amrywiaeth o destunau, gan gynnwys testunau amlfodd
- adnabod, trafod a chymharu diben gwahanol destunau, gan gynnwys testunau amlfodd
- cwestiynu ac ymateb i destunau, yn annibynnol ac ar y cyd, ar lafar ac yn ysgrifenedig, gan ganolbwyntio ar ystyr delweddu, sain, print, cyflwyniad a symudiad
- cydnabod nad yw'r testun bob amser yn golygu'r hyn y mae'n ei ddweud
- darllen gan fod yn ymwybodol o fwriad a/neu safbwynt yr awdur
- defnyddio sgiliau trawsieithu yn Gymraeg, yn Saesneg a, lle bo hynny'n berthnasol, yn ieithoedd y cartref/gymuned

(o Gam cynnydd 3)

- gwerthuso testunau o ran ansawdd, effaith a dibynadwyedd
- defnyddio sgiliau trawsieithu yn Gymraeg, yn Saesneg ac mewn ieithoedd rhyngwladol, a, lle bo hynny'n berthnasol, yn ieithoedd y cartref/gymuned
- defnyddio sgiliau cyfieithu sylfaenol, gan gynnwys deall sut i ddefnyddio meddalwedd cyfieithu'n effeithiol ond ar yr un pryd gan ddeall ei wendidau a'r risg a ddaw o orddibynnu arno.



## YR HYN SY’N BWYSIG MEWN IEITHOEDD, LLYTHRENNEDD A CHYFATHREBU

### **Mae dysgwyr sy’n siarad ac yn ysgrifennu’n effeithiol yn barod i chwarae rhan lawn mewn bywyd a gwaith.**

Mae cyfathrebu clir ac effeithiol drwy iaith lafar ac ysgrifenedig yn sgil bywyd pwysig. Mae’n gofyn am allu defnyddio ac addasu iaith mewn amrywiaeth o rolau, genres, ffurfiau, cyfryngau ac arddulliau a hynny mewn cywair addas. Mewn cyd-destun dwyieithog ac amlieithog, mae hyn hefyd yn gofyn am allu dewis iaith briodol.

Ym Maes Dysgu a Phrofiad Ieithoedd, Llythrennedd a Chyfathrebu, rhoddir cyfleoedd i ddysgwyr siarad ac ysgrifennu er mwyn iddynt fod yn effeithiol wrth iddynt ryngweithio, archwilio syniadau, mynegi safbwyntiau, gwybodaeth a dealltwriaeth a meithrin cydberthnasau. Cânt eu galluogi i ddod yn ymwybodol o sut y maent yn defnyddio iaith (ieithoedd) wrth iddynt brofi cyfleoedd i fynegi eu hunain at wahanol ddibenion ac ar gyfer gwahanol gynulleidfaoedd yn Gymraeg ac yn Saesneg yn ogystal ag mewn ieithoedd rhyngwladol.

## Dysgu

### Egwyddorion cynnydd

Egwyddorion cynnydd yw'r sail ar gyfer datblygu'r deilliannau cyflawniad a dylent lywio dilyniant y dysgu o fewn y maes dysgu a phrofiad.

#### **Siarad ac ysgrifennu**

Mae'r sgiliau siarad ac ysgrifennu a ddatblygir mewn un iaith yn darparu sail i'w datblygiad mewn iaith arall, waeth pa iaith ddaeth yn gyntaf, e.e. mae datblygu sgiliau siarad ac ysgrifennu yn y Gymraeg yn cefnogi datblygiad y sgiliau hyn yn y Saesneg ac fel arall.

Mae dysgwyr yn myfyrio ar eu siarad ac ysgrifennu er mwyn datblygu eu sgiliau ymhellach.

Caiff cynnydd siarad ac ysgrifennu yn yr ieithoedd rhyngwladol ei arddangos o Gam cynnydd 3, tra bo cydnabyddiaeth fod hyn yn adeiladu ar yr wybodaeth a'r sgiliau ieithyddol a ddysgwyd o Gam cynnydd 1.

#### **Siarad**

Daw dysgwyr yn gynyddol groyw wrth siarad, a gallant fynegi syniadau a safbwyntiau mwy cymhleth mewn amrywiaeth gynyddol o gyd-destunau.

#### **Ysgrifennu**

Wrth ysgrifennu, mae dysgwyr yn gwneud cynnydd o dynnu lluniau a ffurfio llythrennau i fynegi eu hunain a drafftio a mireinio eu gwaith ysgrifenedig.

#### **Cyffredinol**

Ailymwelir â chysyniadau a syniadau ac ymdrinnir â nhw mewn ffyrdd mwy cymhleth wrth i ddealltwriaeth a gallu'r dysgwyr ddod yn fwy soffistigedig.

Mae angen i bob dysgwr gael cefnogaeth i feithrin eu sgiliau trawsieithu.

## Cymraeg/Saesneg

### Cam cynnydd 1

#### Deilliannau cyflawniad

##### Siarad

Gallaf ynganu synau, geiriau ac ymadroddion, gan efelychu'r ynganiad cywir.

Gallaf siarad yn glir, gan gyfleu ystyr i eraill drwy ddefnyddio ystumiau priodol.

Gallaf drefnu, dethol a defnyddio ffurfiau a strwythurau iaith syml.

Gallaf newid y ffordd rwy'n siarad gan ddibynnu gyda phwy rwy'n siarad.

Gallaf ddefnyddio geiriau ac ymadroddion cyfarwydd ac arbrofi â geiriau a chystrawen newydd.

Gallaf egluro gwybodaeth a rhannu syniadau a theimladau.

Gallaf ofyn ac ateb cwestiynau syml, a gallaf wneud ac ymateb i ddatganiadau syml ar bynciau cyfarwydd.

Gallaf fynegi fy hoff bethau a'm cas bethau, a gallaf fynegi barn ar bynciau cyfarwydd.

Gallaf gymryd rhan mewn trafodaethau grŵp, gan gymryd tro a dangos dealltwriaeth o foesau sgwrsio.

Gallaf fabwysiadu rôl gan ddefnyddio iaith briodol.

##### Ysgrifennu

Gallaf ddeall y gellir ysgrifennu at wahanol ddibenion ac ar gyfer gwahanol gynulleidfaoedd.

Gallaf ysgrifennu ar y cyd ar gyfer gwahanol gynulleidfaoedd ac at wahanol ddibenion.

Gallaf ysgrifennu'n annibynnol mewn ffurf gyfarwydd gan ddefnyddio geiriau ac ymadroddion cyfarwydd yn briodol.

[Datganiad Cymraeg] Gallaf ddangos ymwybyddiaeth o dreigladau.

Gallaf ysgrifennu geiriau ac ymadroddion syml gan ddefnyddio gwybodaeth am llythrennau a'r synau maent yn eu cynrychioli.

Gallaf ddefnyddio priflythrennau ac atalnodau llawn.

Gallaf fwrw golwg dros fy ngwaith er mwyn gwella fy ngwaith.

Gallaf ffurfio llythrennau bras a llythrennau bach.

Gallaf ddefnyddio meddalwedd priodol i greu cydrannau aml-gyfyngol.

Gallaf greu testun, delwedd, sain, animeiddiadau a fideo, ac archwilio'u defnydd.

## Cam cynnydd 2

### Deilliannau cyflawniad

#### Siarad

Gallaf siarad yn glir, gan amrywio mynegiant ac ystumiau er mwyn cyfleu fy syniadau.

[Datganiad Cymraeg] Gallaf ddefnyddio'r treigladau mwyaf cyffredin wrth siarad.

Gallaf ynganu geiriau ac ymadroddion cyfarwydd yn eglur.

Gallaf drefnu, dethol a defnyddio ffurfiau a strwythurau iaith priodol.

Gallaf newid y ffordd rwy'n cyfathrebu, gan ddibynnu ar ble rwyf i a chyda phwy.

Gallaf ddefnyddio geirfa a chystrawen briodol, gan gynnwys geirfa pwnc-benodol a geirfa ar gyfer cyd-destunau penodol.

Gallaf egluro gwybodaeth a rhannu syniadau, safbwyntiau syml a theimladau gan ddefnyddio geirfa berthnasol.

Gallaf ofyn ac ateb cwestiynau a chyfnewid syniadau a gwybodaeth am bynciau cyfarwydd mewn sefyllfaoedd pob-dydd.

Gallaf fabwysiadu amrywiaeth o rolau penodedig mewn trafodaethau grŵp a rheoli fy nghyfraniad yn briodol.

Gallaf aros yn fy rôl a helpu eraill wrth chwarae rôl.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

#### Ysgrifennu

Gallaf gynllunio ac ysgrifennu at wahanol ddibenion ac ar gyfer gwahanol gynulleidfaoedd.

Gallaf drefnu fy ngwaith ysgrifennu mewn dilyniant neu strwythur rhesymegol mewn paragraff.

Gallaf ddefnyddio amrywiaeth o eiriau, ymadroddion ac iaith idiomatig er mwyn creu effaith, mewn brawddegau syml a chyfansawdd.

Gallaf ddefnyddio geirfa weledol a'r hyn rwy'n ei wybod am synau a phatrymau llythrennau i sillafu'r rhan fwyaf o eiriau cyfarwydd yn gywir.

[Datganiad Cymraeg] Gallaf ddefnyddio'r treigladau mwyaf cyffredin lle bo hynny'n briodol.

Gallaf ddefnyddio atalnodi cyfarwydd yn gywir.

Gallaf ddarllen dros fy ngwaith a defnyddio amrywiaeth o strategaethau ac adnoddau cyfarwydd i wella fy ngwaith ysgrifennu.

Gallaf egluro'n syml ble a pham rwyf wedi gwneud unrhyw newidiadau neu gywiriadau.

Gallaf greu a golygu cydrannau aml-gyfyngol.



Gallaf drefnu amrywiaeth o destun, delwedd, sain, animeiddiad a fideo at ddibenion penodol.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

## Cam cynnydd 3

### Deilliannau cyflawniad

#### Siarad

Gallaf siarad yn rhugl, gan ddefnyddio iaith briodol.

[Datganiad Cymraeg] Gallaf ddefnyddio amrywiaeth gynyddol o dreigladau.

Gallaf amrywio mynegiant, tŷn a chryfder y llais er mwyn cynnal diddordeb gwrandawyr.

Gallaf drefnu, dethol a defnyddio ffurfiau a strwythurau iaith amrywiol a phriodol.

Gallaf siarad yn effeithiol mewn amrywiaeth o sefyllfaoedd a chyda gwahanol gynulleidfaoedd at wahanol ddibenion ac mewn gwahanol gyd-destunau.

Gallaf fod yn uchelgeisiol wrth ddewis geirfa a chystrawen, gan gynnwys geirfa pwnc-benodol a geirfa ar gyfer cyd-destunau penodol.

Gallaf siarad am faterion a mynegi syniadau yn glir, gan resymu a rhoi enghreifftiau a chan ddefnyddio geirfa pwnc-benodol a geirfa ar gyfer cyd-destunau penodol.

Gallaf ofyn cwestiynau er mwyn cadarnhau a gwirio gwybodaeth.

Gallaf adnabod y prif bwyntiau drwy grynhoi'r hyn rwyf wedi'i glywed.

Gallaf ddeall ystyr sydd ymhlyg, gan gynnwys coegni, iaith idiomatig a throsiadau.

Gallaf egluro gwybodaeth, syniadau, fy safbwyntiau i a safbwyntiau eraill.

Gallaf fabwysiadu amrywiaeth o rolau mewn trafodaethau grŵp mewn ffordd gynyddol annibynnol, gan gynnwys mewn sefyllfaoedd mwy ffurfiol.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

#### Ysgrifennu

Gallaf ddefnyddio amrywiaeth o strategaethau i gynllunio fy ngwaith ysgrifennu mewn amrywiaeth o ffurfiau a genres.

Gallaf addasu fy arddull ysgrifennu er mwyn bod yn addas at y diben ac ar gyfer y gynulleidfa.

Gallaf ddatblygu fy syniadau a threfnu fy ngwaith ysgrifennu.

Gallaf ddefnyddio amrywiaeth eang o eirfa addas, gan gynnwys iaith idiomatig, geiriau pwnc-benodol a geiriau ar gyfer cyd-destunau penodol.

Gallaf ddefnyddio amrywiol strategaethau i sillafu amrywiaeth gynyddol o eiriau cyfarwydd, anghyfarwydd, pwnc-benodol ac ar gyfer cyd-destunau penodol yn gywir.

[Datganiad Cymraeg] Gallaf ddefnyddio amrywiaeth gynyddol o dreigladau.

Gallaf ddefnyddio amrywiaeth o strwythurau brawddeg, gan gynnwys brawddegau cymhleth.

Gallaf ddefnyddio amrywiaeth o atalnodi yn gywir.

Gallaf ddefnyddio amrywiaeth o strategaethau ac adnoddau i brawf-ddarllen, drafftio a golygu fy ngwaith ysgrifennu.

Gallaf egluro ble a pham y gwnaed unrhyw newidiadau neu gywiriadau gennyf.

Gallaf ddefnyddio amrywiaeth o feddalwedd i gynhyrchu a mireinio cydrannau aml-gyfyngol.

Gallaf ddewis a chyfuno amrywiaeth o destun, delwedd, sain, animeiddiad a fideo i sicrhau canlyniad at ddiben penodol.

Gallaf ddefnyddio dulliau meddalwedd i wella'r canlyniadau ar gyfer cynulleidfaoedd penodol.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Siarad

Gallaf siarad yn rhugl, gan ddefnyddio amrywiaeth o dechnegau, mynegiadau ac ystumiau.

[Datganiad Cymraeg] Gallaf ddefnyddio amrywiaeth o dreigladau.

Gallaf ddefnyddio tŏn, goslef ac iaith y corff i gyfathrebu'n well.

Gallaf drefnu, dethol a defnyddio ffurfiau a strwythurau iaith amrywiol a phriodol er mwyn creu effeithiau.

Gallaf addasu fy ffordd o siarad yn effeithiol, yn ôl diben, cynulleidfa a chyd-destun.

Gallaf ddefnyddio geirfa a chystrawen amrywiol ac uchelgeisiol, gan gynnwys terminoleg pwnc-benodol a geirfa ar gyfer cyd-destunau penodol.

Gallaf ddeall bod ystyr yn gallu newid yn ôl y ffordd y caiff pethau eu dweud.

Gallaf gyflwyno syniadau a materion mewn ffordd sy'n argyhoeddi gan ddefnyddio amrywiaeth o dechnegau er mwyn cael effaith.

Gallaf ymateb mewn trafodaethau grŵp i syniadau eraill mewn ffyrdd ystyrlon ac ystyriol, gan gynnwys gofyn am eglurhad drwy ddulliau cwestiynu priodol.

Gallaf ddehongli ystyr ac adnabod themâu a syniadau sydd ymhlyg.

Gallaf ymateb yn feirniadol a/neu'n greadigol, gan gyfiawnhau fy safbwyntiau.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

### **Ysgrifennu**

Gallaf gynhyrchu gwaith ysgrifennu, gan gynnwys darnau estynedig, sy'n defnyddio tôn ac arddull briodol at ddibenion penodol ac ar gyfer cynulleidfaoedd penodol.

Gallaf strwythuro fy ngwaith ysgrifennu mewn gwahanol ffurfiau, er mwyn ennyn diddordeb y darllenwr a sicrhau bod fy syniadau yn gydlynus.

Gallaf ddefnyddio geirfa eang ac iaith idiomatig yn effeithiol i gyfleu ystyr ac i ennyn diddordeb y gynulleidfa.

Gallaf ddefnyddio amrywiol strategaethau i sillafu amrywiaeth gynyddol o eiriau cymhleth yn gywir, gan gynnwys geiriau pwnc-benodol a geiriau ar gyfer cyd-destunau penodol.

[Datganiad Cymraeg] Gallaf ddefnyddio amrywiaeth o dreigladau.

Gallaf ddefnyddio amrywiaeth eang o strwythurau brawddeg wrth ysgrifennu.

Gallaf ddefnyddio amrywiaeth eang o atalnodi yn gyson ac yn gywir.

Gallaf wneud gwelliannau i'm gwaith ysgrifennu sydd wedi'u hystyried yn ofalus, drwy brawf-ddarllen, drafftio a golygu.

Gallaf egluro'n fanwl ble a pham y gwnaed unrhyw newidiadau neu gywiriadau gennyf.

Gallaf ddewis a defnyddio amrywiaeth o feddalwedd, dulliau a thechnegau priodol i greu, addasu a chyfuno cydrannau aml-gyfryngol.

Gallaf ddefnyddio dulliau meddalwedd i greu, gwella a chyfuno testun, delweddau, sain, fideo ac animeiddiad ar gyfer amrywiaeth o gynulleidfaoedd a dibenion.

Gallaf ddatblygu ystod o strwythurau dogfen testun ffurfiol ar gyfer gwahanol gynulleidfaoedd a dibenion.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 5

### Deilliannau cyflawniad

#### Siarad

Gallaf gyflwyno syniadau a materion yn rhugl ac yn hyderus mewn amrywiaeth eang o gyd-destunau.

[Datganiad Cymraeg] Gallaf ddefnyddio amrywiaeth o dreigladau yn gywir mewn cyd-destun.

Gallaf ddefnyddio tŷn, goslef ac iaith y corff i gyfathrebu'n well mewn cyd-destunau cynyddol heriol.

Gallaf drefnu, dethol a defnyddio amrywiaeth o ddulliau cyfathrebu effeithiol yn fanwl iawn.

Gallaf gyflawni gofynion amrywiaeth o rolau yn annibynnol, fel sy'n ofynnol gan y gynulleidfa a'r diben.

Gallaf ddefnyddio geirfa gyfoethog ac uchelgeisiol, a gallaf ddefnyddio cystrawen i greu effaith neu i gyfleu union ystyr, sy'n berthnasol i gyd-destunau.

Gallaf gyflwyno syniadau a materion mewn ffordd sy'n dwyn perswâd gan ddefnyddio amrywiaeth o dechnegau er mwyn cael effaith.

Gallaf ddilyn a mynd dan groen dadleuon er mwyn gofyn cwestiynau a gosod heriau.

Gallaf bennu ystyron a dod i gasgliadau gan ddefnyddio ystyron sydd ymhlyg.

Gallaf fyfyrion feirniadol ar fy nefnydd o iaith a siarad mewn ffordd sy'n argyhoeddi o amrywiaeth o safbwyntiau.

Gallaf ymateb yn hyderus ac yn sensitif i syniadau eraill mewn amrywiaeth o sefyllfaoedd.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

#### Ysgrifennu

Gallaf ysgrifennu mewn modd cadarn a hyderus er mwyn cynhyrchu gwaith ysgrifennu sydd wedi'i strwythuro'n dda ac wedi'i addasu'n effeithiol at y diben ac ar gyfer y gynulleidfa.

Gallaf ennyn a chynnal diddordeb y darllenwr.

Gallaf ddefnyddio geirfa soffistigedig er mwyn ysgrifennu mewn amrywiaeth o arddulliau a ffurfiau i gyfleu ystyr mewn ffordd sy'n argyhoeddi.

[Datganiad Cymraeg] Gallaf ddefnyddio amrywiaeth lawn o dreigladau yn gywir mewn cyd-destun.

Gallaf sillafu amrywiaeth o eiriau cymhleth a soffistigedig yn gywir.

Gallaf ddefnyddio amrywiaeth o atalnodi yn gywir er mwyn egluro ystyr, amrywio cyflymder a chreu effeithiau bwriadol.

Gallaf ddefnyddio amrywiaeth o strategaethau i wella cynnwys a strwythur fy ngwaith a chywirdeb fy ngwaith ysgrifennu.

Gallaf ystyried effaith fy ngwaith ysgrifennu mewn ffordd wrthrychol.

Gallaf ddefnyddio ystod o feddalwedd, dulliau a thechnegau i greu canlyniad proffesiynol i brosiect, boed yn unigol neu ar y cyd, a hynny gan gynnwys ystod o gydrannau aml-gyfyngol.

Gallaf greu dogfennau testun ffurfiol ar gyfer cynulleidfa broffesiynol, gan gynnwys defnyddio dulliau adolygu ar y cyd yn y gweithgareddau.

Gallaf ddefnyddio dulliau mynegeo a chyfeirio i wella dogfennau.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Cymraeg mewn lleoliadau/ysgolion/ffrydiau cyfrwng Saesneg

Wrth i'r carfanau cyntaf o ddysgwyr gwblhau eu taith drwy Gwricwlwm i Gymru 2022, caiff y deilliannau cyflawniad canlynol ar gyfer y Gymraeg mewn lleoliadau/ysgolion/ffrydiau cyfrwng Saesneg eu hadolygu a bydd y disgwyliadau'n cynyddu.

### Cam cynnydd 1

#### Deilliannau cyflawniad

##### Siarad

Gallaf ailadrodd synau, geiriau ac ymadroddion, gan efelychu ynganiad.

Gallaf ynganu synau llythrennau a geiriau ac ymadroddion pob-dydd syml yn Gymraeg.

Gallaf ddethol a defnyddio iaith gyfarwydd i gyfleu ystyr i eraill.

Gallaf ateb cwestiynau syml a mynegi teimladau a barnau sylfaenol.

Gallaf fabwysiadu rôl yn ailadrodd iaith gyfarwydd.

##### Ysgrifennu

Gallaf fynegi synau, geiriau ac ymadroddion cyfarwydd Cymraeg ar ffurf ysgrifenedig.

### Cam cynnydd 2

#### Deilliannau cyflawniad

##### Siarad

Gallaf siarad yn glir, gan gyfleu ystyr i eraill drwy ddefnyddio ystumiau priodol.

Gallaf ynganu geiriau ac ymadroddion cyfarwydd yn glir.

Gallaf ddethol, trefnu a defnyddio amrywiaeth o ffurfiau a strwythurau iaith cyfarwydd.

Gallaf ddeall fod gwahanol ffyrdd o siarad â gwahanol bobl, e.e. chi/ti.

Gallaf ddefnyddio geiriau, ymadroddion, iaith idiomatig a brawddegau cyfarwydd, gan gynnwys geirfa pwnc-benodol a geirfa ar gyfer cyd-destunau penodol.

Gallaf gyfleu gwybodaeth a rhannu syniadau a theimladau am bynciau cyfarwydd.

Gallaf ofyn ac ateb cwestiynau syml, gwneud ac ymateb i ddatganiadau syml ar bynciau cyfarwydd.

Gallaf fynegi safbwyntiau ar bynciau cyfarwydd.

Gallaf gyfrannu mewn trafodaethau grŵp, gan gymryd tro yn briodol.

Gallaf fabwysiadu rôl, gan ddefnyddio iaith gyfarwydd.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

### **Ysgrifennu**

Gallaf drefnu fy ngeiriau i strwythur neu ddilyniant rhesymegol.

Gallaf ysgrifennu amrywiaeth gynyddol o eiriau ac ymadroddion cyfarwydd mewn brawddegau syml.

Gallaf ddefnyddio yr hyn rwy'n ei wybod am ffonig i sillafu geiriau.

Gallaf ddefnyddio atalnodi cyfarwydd yn gywir.

Gallaf ddefnyddio strategaethau cyfarwydd i'm helpu i ddarllen drwy fy ngwaith ysgrifennu ac i chwilio am gamgymeriadau.

Gallaf ddefnyddio sgiliau trawsieithu yn Gymraeg ac yn Saesneg a, lle bo hynny'n berthnasol, yn ieithoedd y cartref/gymuned.

## **Cam cynnydd 3**

### **Deilliannau cyflawniad**

#### **Siarad**

Gallaf siarad yn glir, gan ddechrau amrywio mynegiant ac ystum er mwyn cyfleu fy syniadau.

Gallaf amrywio tŷn a chryfder y llais er mwyn denu sylw gwrandawyr.

Gallaf ddethol, trefnu a defnyddio amrywiaeth o ffurfiau a strwythurau iaith priodol.

Gallaf newid y modd rwy'n cyfathrebu, yn ôl lle'r wyf i a chyda phwy.

Gallaf ddefnyddio geirfa, iaith idiomatig a chystrawen briodol, gan gynnwys geirfa pwnc-benodol a geirfa ar gyfer cyd-destunau penodol.

Gallaf egluro gwybodaeth a rhannu syniadau, gan roi rhesymau syml dros safbwyntiau a theimladau.

Gallaf ofyn ac ateb cwestiynau a chyfnewid syniadau a gwybodaeth am bynciau cyfarwydd mewn sefyllfaoedd pob-dydd.

Gallaf egluro gwybodaeth a syniadau gan ddefnyddio geirfa berthnasol.

Gallaf ymgymryd ag amrywiaeth o rolau penodedig mewn trafodaethau grŵp a rheoli fy nghyfraniadau yn briodol.

Gallaf aros yn fy rôl a helpu eraill wrth chwarae rôl.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.



## Ysgrifennu

Gallaf ddefnyddio gwahanol strategaethau i gynllunio fy ngwaith ysgrifennu mewn amrywiaeth o ffurfiau a genres.

Gallaf drefnu fy ngwaith ysgrifennu yn baragraffau.

Gallaf addasu fy arddull ysgrifennu er mwyn bod yn addas at y diben ac ar gyfer y gynulleidfa.

Gallaf ysgrifennu gan ddefnyddio amrywiaeth o eirfa briodol, gan gynnwys cystrawen gywir a geiriau pwnc-benodol a geiriau ar gyfer cyd-destunau penodol.

Gallaf ddefnyddio brawddegau cyfansawdd.

Gallaf ddefnyddio amrywiol strategaethau i sillafu'r rhan fwyaf o eiriau cyfarwydd yn gywir ac i ddefnyddio'r treigladau mwyaf cyffredin.

Gallaf ddefnyddio amrywiaeth o atalnodi yn gywir.

Gallaf ddefnyddio amrywiaeth o strategaethau a gwybodaeth o strwythur ffonetig i adolygu a gwella fy ngwaith.

Gallaf ddefnyddio amrywiaeth o strategaethau ac adnoddau i brawf-ddarllen, aiddrafftio a golygu fy ngwaith ysgrifennu.

Gallaf egluro ble a pham y gwnaed unrhyw newidiadau neu gywiriadau gennyf.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Siarad

Gallaf siarad yn glir, gan amrywio fy mynegiant a'm hystum er mwyn cyfleu fy syniadau.

Gallaf amrywio tŷn a chryfder y llais er mwyn cynnal diddordeb gwrandawyr.

Gallaf ddethol, trefnu a defnyddio ffurfiau a strwythurau iaith amrywiol ac addas.

Gallaf siarad yn effeithiol mewn gwahanol sefyllfaoedd a chyda gwahanol gynulleidfaoedd at wahanol ddibenion ac mewn gwahanol gyd-destunau.

Gallaf ddefnyddio amrywiaeth eang o eirfa a chystrawen, gan gynnwys geirfa pwnc-benodol a geirfa ar gyfer cyd-destunau penodol.

Gallaf fynegi materion a syniadau yn glir, gan resymu a rhoi enghreifftiau.

Gallaf ofyn cwestiynau er mwyn cadarnhau a gwirio gwybodaeth.

Gallaf ddangos fy mod yn deall y prif bwyntiau drwy grynhoi'r hyn rwyf wedi'i glywed.

Gallaf ddefnyddio iaith idiomatig a throsiadau i gyfoethogi'r ffordd rwy'n siarad.

Gallaf egluro gwybodaeth, syniadau a'm safbwyntiau i a safbwyntiau eraill.

Gallaf fabwysiadu amrywiaeth o rolau yn annibynnol mewn trafodaethau grŵp, gan gynnwys mewn sefyllfaoedd mwy ffurfiol.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

### **Ysgrifennu**

Gallaf gynhyrchu gwaith ysgrifennu cydlynus, gan gynnwys darnau estynedig sydd wedi'u strwythuro'n addas mewn amrywiaeth o ffurfiau, gan ddefnyddio tŷn briodol ar gyfer cynulleidfa benodol ac at ddiben penodol.

Gallaf ddefnyddio amrywiaeth eang o eirfa a chystrawen gywir i gyfleu ystyr ac i ennyn diddordeb y gynulleidfa.

Gallaf ddefnyddio amrywiaeth o strwythurau brawddeg, gan gynnwys rhai brawddegau cymhleth.

Gallaf ddefnyddio amrywiol strategaethau i sillafu geiriau cyfarwydd a nifer gynyddol o eiriau anghyfarwydd, pwnc-benodol ac ar gyfer cyd-destunau penodol yn gywir.

Gallaf ddefnyddio amrywiaeth gynyddol o dreigladau.

Gallaf ddefnyddio amrywiaeth eang o atalnodi yn gyson ac yn gywir.

Gallaf ddefnyddio amrywiaeth o strategaethau i wirio fy ngwaith ysgrifennu ac i wneud gwelliannau gofalus i'm gwaith.

Gallaf egluro ble a pham y gwnaed newidiadau neu gywiriadau gennyf.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## **Cam cynnydd 5**

### **Deilliannau cyflawniad**

#### **Siarad**

Gallaf siarad gyda hyfedredd gan ddefnyddio ystod o dechnegau gan gynnwys amrywio mynegiant ac ystum.

Gallaf ddefnyddio tŷn, goslef ac iaith y corff i ddangos ystyr ac i gyfathrebu'n well.

Gallaf ddethol, cynllunio a threfnu'r hyn rwy'n ei ddweud gan ddefnyddio ffurfiau a strwythurau iaith amrywiol a phriodol er mwyn creu effeithiau.

Gallaf gyfathrebu'n effeithiol at wahanol ddibenion ac ar gyfer gwahanol gynulleidfaoedd a chyd-destunau.

Gallaf ddefnyddio geirfa, idiomau a chystrawen amrywiol, gan gynnwys terminoleg pwnc-benodol a geirfa ar gyfer cyd-destunau penodol, ac rwy'n deall y gall fod gwahanol ffyrdd o ddweud yr un peth.

Gallaf gyflwyno syniadau a materion mewn ffordd sy'n argyhoeddi gan ddefnyddio amrywiaeth o dechnegau er mwyn cael effaith.

Gallaf ymateb i syniadau pobl eraill yn briodol a gallaf ofyn cwestiynau priodol.

Gallaf ymateb yn feirniadol a/neu'n greadigol, gan gyfiawnhau fy safbwyntiau.

Gallaf ymateb i safbwyntiau pobl eraill yn annibynnol yn ystod trafodaethau grŵp, gan ddangos parch ac empathi.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

### **Ysgrifennu**

Gallaf gynhyrchu gwaith ysgrifennu sydd wedi'i strwythuro'n dda, wedi'i addasu'n effeithiol ar gyfer y gynulleidfa ac at y diben, ac sy'n ennyn diddordeb y darllenwr.

Gallaf ysgrifennu gan ddefnyddio amrywiaeth eang o eirfa yn effeithiol mewn amrywiaeth o arddulliau a ffurfiau i gyfleu ystyr mewn ffordd sy'n argyhoeddi.

Gallaf amrywio strwythurau brawddegau wrth ysgrifennu er mwyn creu effeithiau penodol.

Gallaf sillafu amrywiaeth gynyddol o eiriau cymhleth, gan gynnwys geiriau pwnc-benodol a geiriau ar gyfer cyd-destunau penodol, yn gywir.

Gallaf ddefnyddio amrediad llawn o dreigladau yn gynyddol gywir.

Gallaf ddefnyddio amrediad llawn o atalnodi i ddangos ystyr, amrywio cyflymder a chreu effeithiau bwriadol.

Gallaf ddefnyddio amrywiaeth o strategaethau i wella cynnwys, strwythur a chywirdeb fy ngwaith ysgrifennu.

Gallaf ystyried yn wrthrychol effaith fy ngwaith ysgrifennu.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

## Ieithoedd rhyngwladol

### Cam cynnydd 1

#### Deilliannau cyflawniad

Rwyf wedi meithrin gwybodaeth a sgiliau yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail ar gyfer iaith ryngwladol (ieithoedd rhyngwladol).

### Cam cynnydd 2

#### Deilliannau cyflawniad

Rwyf wedi meithrin gwybodaeth a sgiliau yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail ar gyfer iaith ryngwladol (ieithoedd rhyngwladol).

Rwyf wedi cael y cyfle i ddefnyddio ieithoedd rhyngwladol.

### Cam cynnydd 3

#### Deilliannau cyflawniad

##### Siarad

Gallaf ddefnyddio amrywiaeth o eirfa syml.

Gallaf ddefnyddio patrymau syml yn amseroedd cyffredin y ferf er mwyn sôn am faterion cyfarwydd.

Gallaf ddefnyddio ymadroddion sylfaenol er mwyn sôn am fy hoff bethau a'm cas bethau.

Gallaf ddangos lefel dda o gywirdeb mewn patrymau iaith a ddysgwyd.

Rwyf wedi dod yn ymwybodol o ynganiad a goslef dda ac yn efelychu hyn wrth siarad.

Gallaf ailadrodd geiriau ac ymadroddion, gan efelychu acen ac ynganiad yn gywir.

Gallaf siarad mewn brawddegau byr, gan aros i feddwl a chywiro fy hun.

Gallaf ddefnyddio ymadroddion a brawddegau i roi gwybodaeth.

Gallaf ofyn cwestiynau sylfaenol er mwyn casglu gwybodaeth syml gan eraill, a gallaf ymateb i'r cwestiynau hyn pan ofynnir i mi.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Ysgrifennu

Gallaf gopïo geiriau ac ymadroddion yn gywir ac yn ddarllenadwy.

Gallaf ddysgu, cofio a defnyddio sillafiadau cyfarwydd.

Gallaf ysgrifennu ymadroddion syml a brawddegau mwy cymhleth gan ddefnyddio geirfa gyfarwydd.

Gallaf fyfyrrio ar ansawdd fy ngwaith er mwyn ei wella.

Gallaf ddefnyddio fy rhestr eirfa neu eiriadur wrth wirio fy sillafu.

Gallaf ddefnyddio sgiliau trawsieithu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 4

### Deilliannau cyflawniad

#### Siarad

Gallaf ddefnyddio amrywiaeth o eirfa berthnasol, syml, gan gynnwys strwythurau gramadegol a chysyllteiriau amrywiol.

Gallaf gysylltu ymadroddion er mwyn disgrifio profiadau a digwyddiadau mewn amrywiaeth o amseroedd y ferf lle bo hynny'n berthnasol.

Gallaf roi rhai rhesymau ac esboniadau manwl i gyfiawnhau safbwyntiau, gan gytuno neu anghytuno ag eraill.

Gallaf ddangos lefel dda o gywirdeb mewn strwythurau cyfarwydd.

Gallaf siarad ag ynganiad clir, yn ymwybodol o ddiben pwyslais a goslef.

Gallaf gychwyn ac arwain sgysiau a thrafodaethau sylfaenol â gwrandäwr cydymdeimladol sy'n cynnwys rhywfaint o wybodaeth fanwl a pherthnasol.

Gallaf siarad yn barhaus mewn ymadroddion byr, gan aros i feddwl ac o bosibl ailddechrau a chywiro fy hun.

Gallaf ofyn cwestiynau ac rwy'n ymateb i gwestiynau dilynol sylfaenol pan gânt eu gofyn yn glir ar bynciau cyfarwydd.

Gallaf ddefnyddio rhywfaint o iaith yn ddigymell.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Ysgrifennu

Gallaf gynllunio testunau a chynnwys rhywfaint o wybodaeth fanwl a pherthnasol a gallaf strwythuro testun yn baragraffau.

Gallaf ddefnyddio cysyllteiriau i strwythuro'r testun a dangos ymwybyddiaeth o arddull a chywair.

Gallaf ddefnyddio adnoddau cyfarwydd wrth gynllunio fy ngwaith, i'm helpu i gyfleu fy mhwyntiau.

Gallaf sillafu geiriau ac ymadroddion cyfarwydd yn gywir ac yn daclus.

Gallaf ysgrifennu'n gydlynus gan ddangos manylder cynyddol, gan gynnwys sillafu ac atalnodi.

Gallaf ddysgu, cofio ac adolygu sillafiadau a geirfa gyfarwydd.

Gallaf ddefnyddio amrywiaeth o eirfa a strwythurau gramadegol, gan gynnwys rhai brawddegau cymhleth.

Gallaf gyfeirio at ddigwyddiadau mewn amrywiaeth o amseroedd y ferf lle bo hynny'n berthnasol.

Gallaf ddefnyddio amrywiol strategaethau i fyfrio ar ansawdd fy ngwaith er mwyn ei wella.

Gallaf ddethol deunyddiau cyfeirio priodol wrth wirio gwaith.

Gallaf ddefnyddio sgiliau trawsieithu yn annibynnol i'm cefnogi wrth i mi ddysgu a chyfathrebu yn Gymraeg, yn Saesneg ac mewn iaith ryngwladol, a, lle bo hynny'n berthnasol, yn ieithoedd y cartref/gymuned.

## Cam cynnydd 5

### Deilliannau cyflawniad

#### Siarad

Gallaf ddefnyddio amrywiaeth eang o eirfa, strwythurau a phatrymau gramadegol, gan gynnwys strwythurau cymhleth, i gyfleu ystyr yn glir.

Gallaf gyflwyno cyfres o ddigwyddiadau, gan ddisgrifio fy ymatebion iddynt a symud rhwng amrywiaeth o amseroedd y ferf.

Gallaf roi rhesymau ac esboniadau estynedig a manwl i gyfiawnhau meddyliau a safbwyntiau, gan gytuno neu anghytuno ag eraill.

Gallaf gywiro fy hunan er mwyn gwella lefel fy nghywirdeb.

Rwyf wedi datblygu ynganiad a goslef dda, ac rwy'n siarad ag acen sy'n argyhoeddi.

Gallaf siarad yn barhaus am gyfnodau hir, gan aros o bryd i'w gilydd i feddwl a chywiro fy hun.

Gallaf gychwyn ac arwain sgysiau a thrafodaethau yn hyderus, gan ddefnyddio gwybodaeth fanwl a pherthnasol.

Gallaf ofyn amrywiaeth o gwestiynau ar amrywiaeth o bynciau mwy heriol ac ymateb yn ddigymell i gwestiynau dilynol, gan ofyn iddynt gael eu hailadrodd lle bo angen.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.

### **Ysgrifennu**

Gallaf gynllunio a mireinio cynnwys testunau er mwyn cynnwys gwybodaeth berthnasol a manwl, mewn arddull a chywair priodol.

Gallaf ddefnyddio amrywiaeth o adnoddau yn annibynnol i'm helpu i gyfleu fy mhwyntiau.

Gallaf ysgrifennu mewn ffordd ddealladwy a darllenadwy, gan ddefnyddio manylder, sillafu ac atalnodi rhesymol.

Gallaf ysgrifennu'n gywir am gyfnod estynedig mewn cyd-destunau cyfarwydd heb ddeunydd cyfeirio.

Gallaf gynhyrchu gwaith cydlynus gan ddefnyddio amrywiaeth eang o eirfa a strwythurau gramadegol, gan gynnwys strwythurau cymhleth.

Gallaf gyfeirio at ddigwyddiadau, gan symud rhwng amrywiaeth o amseroedd y ferf gan ddangos soffistigeiddrwydd cynyddol.

Gallaf ddefnyddio arddull a chywair addas.

Gallaf ddefnyddio amrywiol strategaethau i fyfyrrio ar ansawdd a manylder fy ngwaith er mwyn ei wella.

Gallaf ddethol deunyddiau cyfeirio priodol wrth wirio gwaith.

Gallaf adnabod, yn annibynnol, gyfleoedd i roi fy sgiliau trawsieithu ar waith er mwyn cyfoethogi'r modd rwy'n dysgu a chyfathrebu.



## Cynllunio ar gyfer dysgu

### Cysylltiadau o fewn y maes dysgu a phrofiad hwn

Mae'r adran hon yn cyflwyno lle gellid cyfoethogi dysgu drwy wneud cysylltiadau gyda phob un datganiad o'r hyn sy'n bwysig ar draws Maes Dysgu a Phrofiad Ieithoedd, Llythrennedd a Chyfathrebu. Ystyrir gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

#### **Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.**

- Hunaniaeth a diwylliannau trwy ieithoedd.

#### **Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.**

- Sgiliau derbyn: gwrando/gwylio a darllen.

#### **Mae llenyddiaeth yn tanio'r dychymyg ac yn ysbrydoli creadigrwydd.**

- Llenyddiaeth a chreadigrwydd.

### Cysylltiadau â meysydd dysgu a phrofiad eraill

Mae'r adran hon yn awgrymu lle gellid cyfoethogi dysgu drwy wneud cysylltiadau rhwng y datganiadau o'r hyn sy'n bwysig ar draws yr holl feysydd dysgu a phrofiad. Mae hefyd yn awgrymu ymhle gellid ystyried gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

Mae sgiliau ieithoedd, llythrennedd a chyfathrebu da yn hanfodol ym mhob maes dysgu a phrofiad, er enghraifft er mwyn:

- ysgrifennu i fynegi ystyr mewn ffordd glir a chywir
- trafod yr hyn y maent wedi'i ddarllen a dod i ddeall testun yn llawn
- ymarfer a mireinio syniadau cyn iddynt ysgrifennu
- defnyddio technegau asesu ar gyfer dysgu sy'n gofyn iddynt werthuso eu gwaith eu hunain a gwaith eraill, a gwneud awgrymiadau ar gyfer gwella.

### Celfyddydau Mynegiannol

- Llenyddiaeth weledol (y cyfryngau a ffilm).
- Terminoleg y Celfyddydau Mynegiannol a'i hetymoleg.
- Ysgrifennu creadigol ac ysgrifennu sgriptiau.
- Drama, perfformiad, canu.
- Meddwl yn greadigol.

## **Dyniaethau**

- Terminoleg y Dyniaethau a'i hetymoleg.

## **Gwyddoniaeth a Thechnoleg**

- Terminoleg Gwyddoniaeth a Thechnoleg a'i hetymoleg.
- Gwneud penderfyniadau gwybodus.
- Y gallu i egluro syniadau/prosesau yn glir.
- Cyfathrebu digidol.

## **Iechyd a Lles**

- Cydberthnasau a gaiff eu meithrin drwy gyfathrebu.
- Datblygu empathi drwy iaith/llenyddiaeth.
- Terminoleg Iechyd a Lles a'i hetymoleg.
- Llenyddiaeth/darllen/ysgrifennu sy'n gysylltiedig â lles.

## **Mathemateg a Rhifedd**

- Defnyddio caneuon a rhigymau i addysgu rhifedd cynnar.
- Llythrennedd er mwyn deall.
- Sgiliau cyfathrebu ar gyfer datrys problemau mewn ffordd gydweithredol.
- Terminoleg fathemategol a'i hetymoleg.

## Profiadau, gwybodaeth a sgiliau

### Siarad

#### Mae angen i ddysgwyr brofi:

(o Gam cynnydd 1)

- amgylcheddau iaith cyfoethog, ac iaith (ieithoedd) mewn amrywiaeth o sefyllfaoedd go iawn trwy brofiadau uniongyrchol
- gweithgareddau siarad a gwrando wedi'u cynllunio a rhai digymell gydag amrywiaeth o gyfoedion ac oedolion
- gwylio, cyrchu a chymryd rhan mewn amrywiaeth eang o sgysiau a thrafodaethau
- cymryd rhan mewn gweithgareddau chwarae rôl
- modelau iaith mewn amrywiaeth o gyd-destunau a sefyllfaoedd
- amrywiaeth o ffynonellau cyfryngau sydd â gwahanol ddibenion
- cyfleoedd i fyfyrion ar eu gwaith siarad eu hunain er mwyn gwella eu sgiliau

(o Gam cynnydd 2)

- cyfleoedd i siarad ar gyfer amrywiaeth o ddibenion, e.e. darbwyllo, cwestiynu, diddanu, hysbysu
- siarad mewn amrywiaeth o sefyllfaoedd anffurfiol a ffurfiol, gan gynnwys sefyllfaoedd sy'n gysylltiedig â gwaith
- gwylio, cyrchu a chymryd rhan mewn amrywiaeth eang o berfformiadau, cyflwyniadau, areithiau a dadleuon
- cymryd rhan mewn trafodaethau am faterion cyfoes a dadleuol
- sefyllfaoedd sy'n herio eu safbwyntiau a'u gwerthoedd eu hunain
- cyfleoedd i ddefnyddio'r iaith (ieithoedd) y maent yn ei (eu) dysgu o fewn a thu hwnt i Faes Dysgu a Phrofiad Ieithoedd, Llythrennedd a Chyfathrebu

(o Gam cynnydd 3)

- amgylcheddau amlieithog.

#### Mae angen i ddysgwyr wybod:

(o Gam cynnydd 1)

- y dylid gofyn cwestiynau er mwyn cael eglurhad o'r ystyr pan na fyddant yn deall

(o Gam cynnydd 2)

- bod nodweddion, strwythur, trefn a chyflwyniad sgwrs yn newid gan ddibynnu ar y diben a'r gynulleidfa
- bod ffurfiau iaith yn defnyddio gwahanol gonfensiynau sefydlog a chyweiriau
- geirfa pwnc-benodol a geirfa ar gyfer cyd-destunau penodol
- sut i siarad am bynciau mwy heriol sy'n briodol ar gyfer y cam cynnydd (gan gynnwys siarad am iaith), gan ddefnyddio iaith briodol
- y gall fod gan wahanol siaradwyr wahanol rolau mewn grŵp

- y gall y modd y trefnir iaith newid yr ystyr a'r effaith
  - y gall pobl weithiau ddod i gasgliad o ran ystyr na fwriadwyd gan y siaradwyr
  - bod gan eiriau effaith ac y gallant effeithio ar wrandawyr mewn gwahanol ffyrdd gan ddibynnu ar eu safbwyntiau eu hunain
  - sut i ymateb i safbwyntiau pobl eraill a all fod yn wahanol iawn i'w safbwyntiau eu hunain
- (o Gam cynnydd 3)
- sut i ddefnyddio technegau rhethregol a darbwyllo i gael yr effaith a ddymunir.

### **Mae angen i ddysgwyr allu:**

(o Gam cynnydd 1)

- ffurfio synau sy'n benodol i'w hiaith (hieithoedd)
- cymryd eu tro wrth sgwrsio
- cydnabod teimladau ac emosiynau a chyfleu sut y maent yn teimlo
- llunio barnau a'u mynegi
- gofyn cwestiynau sy'n cadarnhau dealltwriaeth
- ailadrodd gwybodaeth

(o Gam cynnydd 2)

- myfyrio ar y defnydd o iaith a gwerthuso effaith
- defnyddio confensiynau cymdeithasol sgwrs a ffurfioldeb, e.e. ymateb ac ymddwyn yn briodol mewn sgwrsiau grŵp a chaniatáu i'r sgwrs ddatblygu mewn modd cydweithredol
- defnyddio geirfa a strwythurau penodol gan ddibynnu ar y diben a'r gynulleidfa
- cyfiawnhau barnau
- rhannu eu safbwyntiau gyda gwahanol gynulleidfaoedd
- defnyddio profiadau personol a'r hyn a ddysgwyd i lywio ac ategu barnau
- gwerthfawrogi y dylid defnyddio neu drefnu iaith lafar mewn gwahanol ffyrdd gan ddibynnu ar y gynulleidfa
- ailadrodd a chrynhoi gwybodaeth
- gofyn cwestiynau sy'n gwella dealltwriaeth
- gofyn cwestiynau sy'n herio syniadau
- ail-fframio dadleuon er mwyn profi eu bod yn gwneud synnwyr
- defnyddio syniadau newydd a diddorol i ystyried pam mae ganddynt farnau penodol
- defnyddio sgiliau trawsieithu

(o Gam cynnydd 3)

- deall bod nodweddion megis rhethreg a'r gallu i ddarbwyllo yn dibynnu ar y cyd-destun lle'u defnyddir ac nad ydynt o reidrwydd yn creu effaith ar eu pen eu hunain
- cynnal gwerthusiad beirniadol o ddadleuon pobl eraill
- llywio dadleuon wrth gynnal dadl/trafodaeth
- defnyddio iaith mewn ffordd hyblyg er mwyn ymateb i her.

## Ysgrifennu

### Mae angen i ddysgwyr brofi:

(o Gam cynnydd 1)

- cyfleoedd i archwilio ac arbrofi gyda'u gwaith ysgrifennu
- deunydd ysgogi perthnasol, diddorol a heriol i'w hysbrydoli a'u helpu i baratoi i ysgrifennu mewn ffordd bwrpasol
- amrywiaeth gynyddol o eirfa ar gyfer cyd-destunau penodol a phynciau penodol
- cyfleoedd i archwilio a defnyddio amrywiaeth o eirfa uchelgeisiol a phriodol
- y rhyddid i fentro a bod yn greadigol
- confensiynau a strategaethau sillafu sy'n defnyddio cyfuniad o ddulliau

(o Gam cynnydd 2)

- cyfleoedd i adolygu, diwygio, golygu a phrawf-ddarllen eu gwaith ysgrifennu
- cyfleoedd i gyflwyno gwaith ysgrifennu mewn gwahanol ffurfiau ac arddulliau, gan gynnwys yn ddigidol ac ar-lein, at amrywiaeth o ddibenion ac ar gyfer amrywiaeth o gynulleidfaoedd
- amrywiaeth eang o arddulliau, genres a ffurfiau ysgrifennu wedi'u modelu'n dda ym mhob math o gyfrwng, gan gynnwys technolegau digidol
- cyfleoedd i ddefnyddio'r iaith (ieithoedd) y maent yn ei (eu) dysgu o fewn a thu hwnt i Faes Dysgu a Phrofiad Ieithoedd, Llythrennedd a Chyfathrebu.

### Mae angen i ddysgwyr wybod:

(o Gam cynnydd 2)

- strategaethau a strwythurau i baratoi ar gyfer ysgrifennu
- y gall defnyddio amrywiaeth gynyddol o eirfa ac iaith idiomatig berthnasol ac uchelgeisiol wella eu gwaith ysgrifennu
- amrywiaeth o gonfensiynau, patrymau a strategaethau sillafu
- bod confensiynau gramadeg ac atalnodi sy'n ein helpu i ysgrifennu mewn ffordd eglur ac ystyrlon
- nodweddion ffurfiau, genres ac arddulliau penodol
- y defnyddir geirfa benodol mewn sefyllfaoedd penodol
- bod y ffordd y caiff testun ei drefnu yn dibynnu ar y gynulleidfa a'r diben y cafodd ei greu ar ei gyfer
- y bydd diben testun yn diffinio'r nodweddion iaith a ddefnyddir
- y gall y ffordd yr ymdrinnir â hyd brawddegau ac arddulliau newid cyflymder ac effaith yr hyn a gaiff ei gyfleu
- bod gan eiriau wahanol lefelau o ystyr (emosiynol/cymdeithasol/ac ati)
- y gall y modd y trefnir geiriau ac atalnodi o fewn brawddeg newid effaith/ystyr brawddeg.

## Mae angen i ddysgwyr allu:

(o Gam cynnydd 2)

- cynllunio eu defnydd o strategaethau a defnyddio amrywiaeth gynyddol o strwythurau
- ysgrifennu'n hyderus a chyda diben ar gyfer amrywiaeth o gynulleidfaoedd
- cymhwyso nodweddion amrywiaeth gynyddol o genres mewn gwahanol ffurfiau er mwyn creu eu gwaith ysgrifennu
- cymhwyso'r hyn maent yn ei wybod am gyfatebiaeth graffem–ffonem a morffoleg er mwyn sillafu geiriau'n gywir
- defnyddio strategaethau ar gyfer dysgu, storio, galw i gof a chadarnhau sillafiad geiriau a ddefnyddir ganddynt
- ysgrifennu'n eglur ac yn ystyrlon, gan gymhwyso confensiynau gramadeg ac atalnodi priodol
- defnyddio strategaethau annibynnol a chydweithredol a fydd yn eu helpu i adolygu a gwella eu gwaith ysgrifennu
- myfyrio ar eu hiaith, ffurf a strwythur mewn ffordd feirniadol er mwyn drafftio, addasu a golygu eu gwaith ysgrifennu
- defnyddio geirfa a therminoleg briodol i drafod, ystyried a gwerthuso eu gwaith eu hunain a gwaith eraill
- defnyddio geirfa ac iaith idiomatig uchelgeisiol sy'n briodol i'r cam cynnydd ar gyfer amrywiaeth o gynulleidfaoedd ac at amrywiaeth o ddibenion
- cynhyrchu arddull lawysgrifen daclus a phersonol
- defnyddio technoleg ddigidol i gynhyrchu a chyflwyno ar y cyd
- defnyddio sgiliau trawsieithu.



## YR HYN SY’N BWYSIG MEWN IEITHOEDD, LLYTHRENNEDD A CHYFATHREBU

### Mae llenyddiaeth yn tanio’r dychymyg ac yn ysbrydoli creadigrwydd.

Mae llenyddiaeth yn ehangu gorwelion. Mae’n ein hysbrydoli ac yn ein cymell, gan ein helpu hefyd i ddysgu mwy am iaith.

Bydd y Maes Dysgu a Phrofiad Ieithoedd, Llythrennedd a Chyfathrebu yn cynnig profiadau llenyddol i ddysgwyr a fydd yn ennyn eu diddordeb a’u dychymyg fel darllenwyr, gwrandawyr, gwylwyr, awduron a llenorion. Byddant nid yn unig yn gallu gwerthfawrogi crefft y llenor, ond byddant hefyd yn gallu meithrin eu sgiliau creadigol eu hunain. Byddant yn profi ac yn ymateb i amrywiaeth o lenyddiaeth sy’n rhoi dealltwriaeth iddynt o ddiwylliant, pobl a hanes Cymru yn ogystal â’r byd ehangach. Drwy hyn, wrth i’w dealltwriaeth o’u profiadau, eu credoau a’u diwylliannau eu hunain a phobl eraill wella, caiff dysgwyr gymorth i ddatblygu eu gallu i ddangos empathi. Yn ei dro, bydd hyn yn cyfrannu at eu lles emosiynol a’u lles meddwl. Gyda’i gilydd, bydd y profiadau a gynigir fel rhan o’r maes dysgu a phrofiad hwn yn tanio dychymyg a chreadigrwydd dysgwyr ac yn helpu i feithrin cariad gydol oes tuag at lenyddiaeth.



## Dysgu

### Egwyddorion cynnydd

Egwyddorion cynnydd yw'r sail ar gyfer datblygu'r deilliannau cyflawniad a dylent lywio dilyniant y dysgu o fewn y maes dysgu a phrofiad.

Bydd dysgwyr yn dod i gyswllt â deunydd llenyddol heriol sy'n briodol ar gyfer y cam cynnydd yn Gymraeg, yn Saesneg ac mewn ieithoedd rhyngwladol

Mae dysgwyr yn gwneud cynnydd werthfawrogi llenyddiaeth yn oddrychol i'w werthfawrogi'n wrthrychol.

Mae llenyddiaeth yn ysgogi creadigrwydd. Bydd dysgwyr yn efelychu llenyddiaeth y maent wedi'i darllen/gweld yn ogystal â chreu eu gwaith gwreiddiol eu hunain yn Gymraeg, yn Saesneg ac mewn ieithoedd rhyngwladol.

Ailymwelir â chysyniadau a syniadau ac ymdrinnir â nhw mewn ffyrdd mwy cymhleth wrth i ddealltwriaeth a gallu'r dysgwyr ddod yn fwy soffistigedig.

Bydd dysgwyr yn myfyrio ar eu gwaith er mwyn gwella eu sgiliau.

Mae angen i bob dysgwr gael cefnogaeth i feithrin eu sgiliau trawsieithu.

### Cymraeg/Saesneg

#### Cam cynnydd 1

##### Deilliannau cyflawniad

Gallaf ddeall fod gwahanol fathau o lenyddiaeth.

Gallaf adnabod bod nodweddion tebyg rhwng yr hyn rwy'n ei glywed, ei weld a'i ddarllen.

Gallaf sôn am y llenyddiaeth rwy'n ei chlywed, yn ei gweld neu yn ei darllen, a mynegi barnau syml.

Gallaf ailadrodd straeon.

Gallaf wrando ar ganeuon, rhigymau, straeon a cherddi ac ymuno ynddynt.

Gallaf fabwysiadu rôl a pherfformio'n greadigol yn seiliedig ar fy mhrofiad o lenyddiaeth.

Gallaf ddefnyddio fy nychymyg i ymateb yn greadigol i'r llenyddiaeth rwy'n ei chlywed, ei gweld neu'n ei darllen.

## Cam cynnydd 2

### Deilliannau cyflawniad

Gallaf adnabod nodweddion gwahanol fathau o lenyddiaeth a defnyddio iaith briodol i siarad amdanynt.

Gallaf sôn am blot, cymeriad a phrif themâu'r llenyddiaeth rwy'n ei chlywed, ei gweld neu ei darllen, gan fynegi fy marnau.

Gallaf ailadrodd straeon mewn ffordd greadigol.

Gallaf wrando ar farddoniaeth, drama a rhyddiaith, a'u cofio a'u haddasu mewn ffordd greadigol.

Gallaf ddangos dealltwriaeth o'r emosiynau rwy'n eu profi ac a brofir gan eraill.

Gallaf greu cysylltiadau rhwng barddoniaeth, drama a rhyddiaith y byddaf yn eu clywed, eu gweld neu eu darllen.

Gallaf ddefnyddio'r hyn rwy'n ei wybod am wahanol gymeriadau mewn llenyddiaeth i fabwysiadu a pherfformio rôl.

Gallaf ddefnyddio fy nychymyg i ymateb i lenyddiaeth a chreu fy llenyddiaeth fy hun.

## Cam cynnydd 3

### Deilliannau cyflawniad

Gallaf adnabod nodweddion gwahanol genres mewn llenyddiaeth, a chyflwyno sylwadau arnynt, gan ddefnyddio iaith briodol.

Gallaf drafod plot, cymeriad, thema a chyd-destun y llenyddiaeth rwy'n ei chlywed, ei gweld neu ei darllen, gan fynegi fy syniadau a'm barnau.

Gallaf ailadrodd ac addasu stori mewn ffordd greadigol, gan ei mynegi o safbwynt newydd a defnyddio strategaethau cyfarwydd i symud rhwng adrodd ac ysgrifennu straeon.

Gallaf cefnogi fy marnau gan ddefnyddio enghreifftiau.

Gallaf ddangos empathi a chyd-nabod y gall fod gan bobl eraill farnau gwahanol i mi.

Gallaf greu cysylltiadau ar draws amrywiaeth o lenyddiaeth, gan gynnwys o ieithoedd gwahanol.

Gallaf fabwysiadu, creu a pherfformio rolau yn seiliedig ar yr hyn rwy'n ei wybod am gymeriadau a'm profiadau o lenyddiaeth.

Gallaf greu llenyddiaeth gan ddefnyddio fy nychymyg a'r hyn rwy'n ei wybod am arddulliau ysgrifennu a nodweddion gwahanol genres.

## Cam cynnydd 4

### Deilliannau cyflawniad

Gallaf fynd i'r afael ag amrywiaeth eang o genres, gan ddadansoddi dewisiadau a thechnegau ieithyddol a ddefnyddir gan yr awduron.

Gallaf ddisgrifio'r effaith ar y darllenwr, gan ddefnyddio terminoleg ac enghreifftiau perthnasol.

Gallaf archwilio a dadansoddi materion drwy blot, cymeriad, thema, hunaniaeth a chyd-destun y llenyddiaeth rwy'n ei chlywed, ei gweld neu ei darllen.

Gallaf gefnogi fy marnau â thystiolaeth.

Gallaf ddangos goddefgarwch ac empathi yn fy ymatebion a gwerthfawrogi y gellir dehongli testunau mewn gwahanol ffordd.

Gallaf ddadansoddi a chymharu syniadau o fewn ac ar draws amrywiaeth o lenyddiaeth, gan gynnwys ar draws gwahanol ieithoedd.

Gallaf ddefnyddio'r hyn rwy'n wybod a'm dealltwriaeth o wahanol gymeriadau a phrofiadau o lenyddiaeth i addasu a pherfformio rolau, gan fynegi fy hun mewn ffordd greadigol.

Gallaf ddatblygu fy nghrefft a'm creadigrwydd ysgrifennu, gan arbrofi â nodweddion ieithyddol a ddefnyddir gan amrywiaeth o awduron ac mewn amrywiaeth o genres.

## Cam cynnydd 5

### Deilliannau cyflawniad

Gallaf fynd i'r afael yn fanwl ag amrywiaeth o genres.

Gallaf ddadansoddi a gwerthuso effaith dewisiadau iaith a thechnegau ar y darllenwyr gan ddefnyddio terminoleg ac enghreifftiau perthnasol.

Gallaf archwilio, dadansoddi a gwerthuso materion drwy blot, cymeriad, thema, hunaniaeth a chyd-destun amrywiaeth o lenyddiaeth berthnasol a heriol.

Gallaf gefnogi fy marnau â thystiolaeth berthnasol.

Gallaf ddangos goddefgarwch ac empathi, gan werthuso gwahanol ddehongliadau o destunau, gan gynnwys fy rhai fy hun.

Gallaf ddadansoddi, cymharu a gwerthuso syniadau o amrywiaeth o destunau llenyddol cymhleth, gan gynnwys ar draws gwahanol ieithoedd.

Gallaf ddefnyddio'r hyn rwy'n ei wybod a'm dealltwriaeth o wahanol gymeriadau a phrofiadau i addasu a pherfformio rolau, gan fynegi fy safbwyntiau a safbwyntiau pobl eraill mewn ffordd greadigol.

Gallaf lunio fy ngwaith ysgrifennu fy hun at ddibenion creadigol, gan ymwneud ag amrywiaeth eang o lenyddiaeth er mwyn archwilio a datblygu fy ngwaith ysgrifennu fy hun.

## Cymraeg mewn lleoliadau/ysgolion/ffrydiau cyfrwng Saesneg

Wrth i'r carfanau cyntaf o ddysgwyr gwblhau eu taith drwy Gwricwlwm i Gymru 2022, caiff y deilliannau cyflawniad canlynol ar gyfer y Gymraeg mewn lleoliadau/ysgolion/ffrydiau cyfrwng Saesneg eu hadolygu a bydd y disgwyliadau'n cynyddu.

### Cam cynnydd 1

#### Deilliannau cyflawniad

Gallaf wrando ar ganeuon a rhigymau Cymraeg ac ymuno.

Gallaf ddefnyddio fy nychymyg i ymateb yn greadigol i'r llenyddiaeth rwy'n ei chlywed, ei gweld neu'n ei darllen.

### Cam cynnydd 2

#### Deilliannau cyflawniad

Gallaf adnabod gwahanol fathau o lenyddiaeth yn Gymraeg.

Gallaf gynnig ymateb sylfaenol a mynegi barnau syml yn Gymraeg ar y llenyddiaeth Gymraeg y byddaf yn ei chlywed, ei gweld a'i darllen.

Gallaf wrando ar gerddi, caneuon a straeon Cymraeg a'u perfformio.

Gallaf gydweithio i greu llenyddiaeth, e.e. drwy addasu strwythurau syml o destunau Cymraeg cyfarwydd.

### Cam cynnydd 3

#### Deilliannau cyflawniad

Gallaf sylwi ar nodweddion sylfaenol, gan gynnwys elfennau tebyg ac annhebyg mewn gwahanol genres o fewn llenyddiaeth Gymraeg.

Gallaf sôn am y plot a'r cymeriadau yn y llenyddiaeth Gymraeg a glywaf, ac a welaf ac a ddarllenaf, gan fynegi fy marnau yn Gymraeg gan ddefnyddio iaith gyfarwydd.

Gallaf roi rhesymau addas i'r cam cynnydd yn Gymraeg am fy marnau yn Gymraeg sy'n addas i'r cam cynnydd.

Gallaf wrando ar gerddi, sgetsys, caneuon a straeon yn Gymraeg a'u perfformio â mynegiant sy'n dangos fy mod wedi'u deall.

Gallaf wrando ar farddoniaeth, drama a rhyddiaith, eu cofio, eu hailadrodd a'u haddasu mewn ffordd greadigol yn Gymraeg.

Gallaf greu fy straeon, sgetsys a cherddi syml fy hun yn unol â'm cam cynnydd.

## Cam cynnydd 4

### Deilliannau cyflawniad

Gallaf adnabod nodweddion a defnyddio'r termau Cymraeg am wahanol genres mewn llenyddiaeth Gymraeg.

Gallaf drafod plot, cymeriadau a phrif themâu llenyddiaeth Gymraeg rwy'n ei chlywed, ei gweld a'i darllen, gan fynegi fy syniadau a'm barnau yn Gymraeg gan ddefnyddio patrymau iaith amrywiol.

Gallaf roi rhesymau estynedig am fy marn.

Gallaf ddehongli a pherfformio amrywiaeth o lenyddiaeth yn Gymraeg gyda chywirdeb, mynegiant a dealltwriaeth.

Gallaf greu cysylltiadau ar draws amrywiaeth o lenyddiaeth.

Gallaf ailadrodd ac addasu stori mewn ffordd greadigol o safbwynt newydd.

Gallaf ddefnyddio fy nychymyg er mwyn greu fy llenyddiaeth fy hun, gan ddefnyddio iaith amrywiol.

## Cam cynnydd 5

### Deilliannau cyflawniad

Gallaf sylwi ar nodweddion tebyg ac annhebyg rhwng mathau o destunau yn Gymraeg, drwy wneud sylwadau ar brif nodweddion genres, gan ddefnyddio terminoleg berthnasol.

Gallaf ymateb yn Gymraeg i'r amrywiaeth eang o lenyddiaeth Gymraeg y byddaf yn ei chlywed, ei gweld a'i darllen gan ddangos empathi a defnyddio iaith yn uchelgeisiol, gan drafod agweddau megis plot, cymeriadau a themâu.

Gallaf gyfiawnhau fy marnau gan gyflwyno tystiolaeth i ategu fy safbwyntiau.

Gallaf ddehongli a pherfformio amrywiaeth eang o lenyddiaeth yn Gymraeg gyda chywirdeb, mynegiant a dealltwriaeth.

Gallaf ddadansoddi a chymharu syniadau mewn amrywiaeth o lenyddiaeth ac ar draws y llenyddiaeth honno.

Gallaf arbrofi â nodweddion iaith er mwyn archwilio a datblygu fy nghreadigrwydd, gan ddefnyddio iaith anturus i greu fy llenyddiaeth wreiddiol fy hun.

## Ieithoedd rhyngwladol

### Cam cynnydd 1

#### Deilliannau cyflawniad

Rwyf wedi meithrin gwybodaeth a sgiliau sy'n addas i'r cam cynnydd yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail i mi ddysgu iaith ryngwladol (ieithoedd rhyngwladol).

### Cam cynnydd 2

#### Deilliannau cyflawniad

Rwyf wedi meithrin gwybodaeth a sgiliau sy'n addas i'r cam cynnydd yn Gymraeg ac yn Saesneg, ac mewn ieithoedd cartref a chymunedol lle bo hynny'n berthnasol, sy'n cynnig sail i mi ddysgu iaith ryngwladol (ieithoedd rhyngwladol).

Rwyf wedi profi llenyddiaeth o ddiwylliannau eraill a llenyddiaeth wedi'i hysgrifennu mewn gwahanol ieithoedd.

### Cam cynnydd 3

#### Deilliannau cyflawniad

Gallaf siarad yn fy newis iaith am yr hyn rwyf wedi'i glywed, ei ddarllen neu ei weld yn yr iaith ryngwladol a mynegi fy marnau, gan ddefnyddio enghreifftiau i ategu fy safbwyntiau.

Gallaf ailadrodd, yn yr iaith ryngwladol, ddarnau o'r hyn rwyf wedi'i glywed, ei ddarllen neu ei weld, gan addasu strwythurau syml yn fy ngwaith creadigol fy hun.

### Cam cynnydd 4

#### Deilliannau cyflawniad

Gallaf ymateb yn fy newis iaith i'r hyn rwyf wedi'i glywed, ei ddarllen neu ei weld yn yr iaith ryngwladol, gan ddisgrifio themâu allweddol, cymeriadau a phlot a'u cysylltu â'm diwylliant a'm profiadau fy hun.

Gallaf fynegi, yn fy newis iaith, fy marnau ar yr hyn rwyf wedi'i glywed, ei ddarllen neu ei weld yn yr iaith ryngwladol, gan ddangos empathi ac egluro pam mae rhywbeth o ddiddordeb i mi.

Gallaf ddefnyddio fy nychymyg ac ymateb yn greadigol yn yr iaith ryngwladol i'r hyn rwyf wedi'i glywed, ei ddarllen neu ei weld, drwy ailadrodd ac addasu darnau ohono.

## Cam cynnydd 5

### Deilliannau cyflawniad

Gallaf ymateb, yn fy newis iaith, yn greadigol ac yn feirniadol i brif nodweddion yr hyn rwyf wedi'i glywed, ei ddarllen neu ei weld yn yr iaith ryngwladol.

Gallaf gymharu, gwerthuso a dadansoddi'r hyn rwyf wedi'i glywed, ei ddarllen neu ei weld yn yr iaith ryngwladol gan ystyried fy niwylliant a'm profiadau fy hun.

Gallaf egluro'n fanwl, yn fy newis iaith, pam mae rhywbeth o ddiddordeb i mi, gan ddangos empathi, mynegi safbwyntiau a'u cyfiawnhau.

Gallaf ddefnyddio fy nychymyg ac ymateb yn greadigol yn yr iaith ryngwladol i'r hyn rwyf wedi'i glywed, ei ddarllen neu ei weld, drwy addasu darnau ohono a bod yn fentrus o ran defnyddio amrywiaeth o iaith.



## Cynllunio ar gyfer dysgu

### Cysylltiadau o fewn y maes dysgu a phrofiad hwn

Mae'r adran hon yn cyflwyno lle gellid cyfoethogi dysgu drwy wneud cysylltiadau gyda phob un datganiad o'r hyn sy'n bwysig ar draws Maes Dysgu a Phrofiad Ieithoedd, Llythrennedd a Chyfathrebu. Ystyrir gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

#### **Mae dysgu am hunaniaeth a diwylliant drwy ieithoedd yn ein paratoi i fod yn ddinasyddion Cymru a'r byd.**

- Hunaniaeth a diwylliannau trwy ieithoedd.

#### **Mae dysgwyr sy'n gwrando ac yn darllen yn effeithiol yn barod i ddysgu drwy gydol eu hoes.**

- Sgiliau derbyn: gwrando/gwyllo a darllen.

#### **Mae dysgwyr sy'n siarad ac yn ysgrifennu'n effeithiol yn barod i chwarae rhan lawn mewn bywyd a gwaith.**

- Sgiliau cynhyrchu: siarad ac ysgrifennu.

### Cysylltiadau â meysydd dysgu a phrofiad eraill

Mae'r adran hon yn awgrymu lle gellid cyfoethogi dysgu drwy wneud cysylltiadau rhwng y datganiadau o'r hyn sy'n bwysig ar draws yr holl feysydd dysgu a phrofiad. Mae hefyd yn awgrymu ymhle gellid ystyried gwahanol elfennau o ddysgu gyda'i gilydd er mwyn cefnogi dysgu sy'n fwy holistaidd.

Mae sgiliau ieithoedd, llythrennedd a chyfathrebu da yn hanfodol ym mhob maes dysgu a phrofiad, er enghraifft er mwyn:

- canfod ystyr mewn testunau a ddarllenir a'u deall
- ysgrifennu i fynegi ystyr mewn ffordd glir a chywir
- trafod yr hyn y maent wedi'i ddarllen a dod i ddeall testun yn llawn
- ymarfer a mireinio syniadau cyn iddynt ysgrifennu
- defnyddio technegau asesu ar gyfer dysgu sy'n gofyn iddynt werthuso eu gwaith eu hunain a gwaith eraill, a gwneud awgrymiadau ar gyfer gwella.

### Celfyddydau Mynegiannol

- Llenyddiaeth weledol (y cyfryngau a ffilm).
- Terminoleg y Celfyddydau Mynegiannol a'i hetymoleg.
- Ysgrifennu creadigol ac ysgrifennu sgriptiau.
- Drama, perfformiad, canu.

- Meddwl yn greadigol.
- Datblygu empathi a sensitifrwydd diwylliannol.

### **Dyniaethau**

- Defnyddio llenyddiaeth fel ffynhonnell ar gyfer y Dyniaethau.
- Digwyddiadau a phobl sydd wedi dylanwadu ar gymdeithas a hunaniaeth yng Nghymru.
- Empathi a sensitifrwydd diwylliannol.

### **Gwyddoniaeth a Thechnoleg**

- Defnyddio llenyddiaeth i feithrin dealltwriaeth bellach o ddatblygiadau gwyddonol.

### **Iechyd a Lles**

- Datblygu empathi drwy iaith/llenyddiaeth.
- Llenyddiaeth/darllen/ysgrifennu sy'n gysylltiedig â lles.

### **Mathemateg a Rhifedd**

- Defnyddio caneuon a rhigymau i addysgu rhifedd cynnar.

## Profiadau, gwybodaeth a sgiliau

### Mae angen i ddysgwyr brofi:

(o Gam cynnydd 1)

- diwylliant darllen cadarnhaol â chyfleoedd i ddethol a gwerthfawrogi amrywiaeth o lenyddiaeth yn seiliedig ar eu hoffterau personol a dewisiadau gwybodus yn Gymraeg, yn Saesneg (gan gynnwys awduron a beirdd o Gymru sy'n ysgrifennu yn Saesneg) a llenyddiaeth ryngwladol, gan gynnwys llenyddiaeth mewn ieithoedd rhyngwladol a gweithiau sydd wedi'u cyfieithu
- amgylcheddau lle maent yn mwynhau darllen a gwrando ar ymrywiaeth gynyddol o straeon, cerddi a dramâu yn yr iaith (ieithoedd) sy'n berthnasol i'r cam cynnydd
- cyfleoedd i wrando ar lenyddiaeth na fyddent o bosibl yn ei dewis eu hunain, neu na fyddent yn gallu ei darllen ar eu pen eu hunain, yn cael ei pherfformio neu ei darllen gan fodolau rôl cadarnhaol
- cyfleoedd i ailymweld â llenyddiaeth sy'n gyfarwydd iddynt ac ailymweld â'u hoff lenyddiaeth
- cyfleoedd i fentro a herio eu ffordd o feddwl o fewn cyd-destun profiadau go iawn a phrofiadau dychmygol
- cyd-destunau lle y cânt eu hannog i gydweithio, perfformio, mynegi a datblygu'n greadigol gan ddefnyddio amrywiaeth o gyfryngau
- llenyddiaeth mewn amrywiaeth o gyfryngau, fformatau a genres, gan gynnwys pob math o gyfryngau digidol a chyfryngau print
- ysbrydoliaeth y tu hwnt i'r ystafell ddosbarth ar gyfer creu eu llenyddiaeth eu hunain

(o Gam cynnydd 2)

- amrywiaeth heriol ac eang o lenyddiaeth lafar, ysgrifenedig a gweledol sy'n briodol ar gyfer y cam cynnydd, gan gynnwys amrywiaeth eang o genres, themâu a gwahanol gyd-destunau
- llenyddiaeth sy'n caniatáu iddynt ystyried materion cyfoes a myfyrio arnynt.

### Mae angen i ddysgwyr wybod:

(o Gam cynnydd 2)

- bod amrywiaeth o lenyddiaeth o wahanol ddiwylliannau o'r gorffennol a'r presennol yn Gymraeg, yn Saesneg (gan gynnwys awduron a beirdd o Gymru sy'n ysgrifennu yn Saesneg) ac mewn ieithoedd rhyngwladol, a gweithiau sydd wedi'u cyfieithu
- yr hyn sy'n gwneud llenyddiaeth yn effeithiol.

### Mae angen i ddysgwyr allu:

(o Gam cynnydd 1)

- ailadrodd, rhagfynegi, addasu, dehongli a pherfformio mewn ffordd llawn dychymyg, cydweithredol a chreadigol, gan ymgymryd â gwahanol rolau

(o Gam cynnydd 2)

- dangos dealltwriaeth ohonynt eu hunain, dealltwriaeth o eraill ac o wahanol ddiwylliannau wrth ymateb i lenyddiaeth
- ystyried sut mae llenyddiaeth yn effeithio arnynt, drwy fynegi eu safbwyntiau personol a dangos gwerthfawrogiad a pharch tuag at wahanol safbwyntiau
- darllen llenyddiaeth heriol sy'n briodol ar gyfer y cam cynnydd
- darllen llenyddiaeth sy'n datblygu eu hymwybyddiaeth o faterion cyfoes, goddefgarwch, natur feddwl agored ac ymdeimlad o hunaniaeth
- creu cysylltiadau a chymariaethau rhwng gwahanol awduron a genres, gan gynnwys ar draws gwahanol ieithoedd

(o Gam cynnydd 3)

- gwerthuso a dadlau pwyntiau yn effeithiol, gan fynegi eu barnau, nodi tuedd a dangos empathi.

## GEIRFA

Gair/ymadrodd	Diffiniad
<b>Ciwiau</b>	Awgrymiadau ystyr a gyflëir er enghraifft drwy ystumiau, iaith y corff neu drwy ffurf ddi-eiriau arall.
<b>Cyd-destunau go iawn</b>	Cyd-destunau sy'n ystyrion i ddysgwyr ac sy'n adlewyrchu eu bywydau a'u profiadau go iawn.
<b>Cydrannau aml-gyfryngol</b>	Cydrannau aml-gyfryngol yw testun, sain, graffeg, fideo ac animeiddiadau. Mae'r cydrannau hyn gyda'i gilydd yn cynrychioli gwybodaeth mewn modd effeithiol a hylaw.
<b>Cyfatebiaeth graffem ffonem</b>	Y cysylltiadau rhwng llythrennau, neu gyfuniadau o lythrennau (graffemau), a'r seiniau llafar (ffonemau) a gynrychiolir ganddynt.
<b>Cystrawen</b>	Y gyfres o reolau, egwyddorion a phrosesau sy'n llywodraethu strwythur brawddegau, gan gynnwys trefn geiriau.
<b>Cywair</b>	Arddull yr iaith, gramadeg a'r geiriau a ddefnyddir ar gyfer sefyllfaoedd penodol.
<b>Cymraeg fel iaith ychwanegol (CIY)</b>	Yn cyfeirio at dysgu/addysgu Cymraeg pan nad Cymraeg na Saesneg yw mamiaith y dysgwr.
<b>Etymoleg</b>	Tarddiad a hanes gair neu eiriau.
<b>Geirfa weledol</b>	Geiriau yr anogir plant ifanc i'w cofio fel geiriau cyfan drwy eu gweld, er mwyn iddynt allu adnabod y geiriau hyn yn awtomatig mewn print, e.e. yn Gymraeg <i>mae</i> , yn Saesneg <i>thought</i> .
<b>Geiriau cytras</b>	Mae gan eiriau cytras yr un tarddiad, neu maent yn gysylltiedig ac yn debyg mewn rhyw ffordd, e.e. mae'r gair Eidaleg <i>mangiare</i> (= bwyta) yn gytras â'r gair Ffrangeg <i>manger</i> ; ac mae <i>composite</i> , <i>composition</i> a <i>compost</i> yn gytras yn Saesneg, gan eu bod yn deillio o'r un gwraidd Lladin, sef <i>componere</i> (= rhoi at ei gilydd).
<b>Gwreiddeiriau</b>	Gwraidd gair sylfaenol heb ragddodiad nac ôl-ddodiad wedi'i ychwanegu ato. Drwy ychwanegu rhagddodiaid ac ôl-ddodiaid at wreiddeiriau gallwn newid eu hystyr.
<b>Gwybodaeth ffonig</b>	Gwybodaeth am lythrennau a seiniau y gellir ei defnyddio i greu geiriau.

Gair/ymadrodd	Diffiniad
<b>laith gartref</b>	laith, heblaw am Gymraeg a Saesneg, a ddefnyddir gan ddysgwyr y tu allan i amgylchedd yr ysgol.
<b>laith gymunedol</b>	laith, heblaw am Gymraeg a Saesneg, a ddefnyddir gan grŵp lleiafrifol neu gymuned o fewn lleoliad mwyafrifol.
<b>laith idiomatig</b>	Defnyddio geiriau ac ymadroddion mewn ffordd sy'n swnio'n naturiol i siaradwyr brodorol yr iaith, e.e. yn Gymraeg <i>fel arfer, o dro i dro</i> ; yn Saesneg <i>on the contrary, get over something</i> ; ac yn Ffrangeg <i>J'ai 10 ans</i> .
<b>ieithoedd rhyngwladol</b>	Gall ieithoedd rhyngwladol gynnwys ieithoedd cartref a chymunedol, ieithoedd modern, ieithoedd clasurol ac iaith Arwyddion Prydain (BSL).
<b>Llenyddiaeth</b>	<p>Mae cyfeiriadau at lenyddiaeth ym Maes Dysgu a Phrofiad Ieithoedd, Llythrennedd a Chyfathrebu yn cyfeirio at ddeunyddiau llafar, ysgrifenedig a gweledol. Mae llenyddiaeth yn cynnwys gwaith sy'n defnyddio'r dychymyg creadigol megis barddoniaeth, drama, deunydd ffuglen a ffeithiol o wahanol gyfnodau a diwylliannau. Dylai hyn, i bob dysgwr, gynnwys enghreifftiau o waith sy'n meithrin gwerthfawrogiad o dreftadaeth ddiwylliannol Cymru, gan gynnwys drwy astudio gwaith gan awduron o Gymru y mae eu gwaith yn Gymraeg ac awduron o Gymru y mae eu gwaith yn Saesneg. Dylai pob enghraifft o waith a gaiff ei hastudio fod yn ddigon cyfoethog a sylweddol i ennyn diddordeb dysgwyr ar lefel ddeallusol ac emosiynol, er mwyn eu hannog i gael eu hysbrydoli, eu cyffroi a'u newid, ac i ehangu eu diddordeb a'u brwdfrydedd tuag at lenyddiaeth.</p> <p>Dylid ymdrin â thestunau megis cyfarwyddiadau a chanllawiau wrth feithrin sgiliau llythrennedd dysgwyr yn Gymraeg, yn Saesneg ac mewn ieithoedd rhyngwladol er mwyn cael y budd gorau. Gellir ymdrin â darllen er gwybodaeth a darllen a deall ar lefel fwy gweithredol drwy'r ddatganiadau canlynol o'r hyn sy'n bwysig.</p> <ul style="list-style-type: none"> <li>• Mae dysgwyr sy'n gwranddo ac yn darllen yn effeithiol, yn barod i ddysgu drwy gydol eu hoes.</li> <li>• Mae dysgwyr sy'n siarad ac ysgrifennu'n effeithiol, yn barod i chwarae rhan lawn mewn bywyd a gwaith.</li> </ul>
<b>Lluosieithrwydd/ Lluosieithog</b>	Y gallu a'r cymhwysedd i ddysgu mwy nag un iaith, yn ogystal â gwerth goddefgarwch ieithyddol ymhlith unigolion a chymdeithasau. Mae'n gysylltiedig â chymhwysedd rhyngddiwylliannol a dinasyddiaeth ddemocrataidd.

Gair/ymadrodd	Diffiniad
<b>Llythrennedd</b>	Llythrennedd yw'r gallu i wrando, darllen, siarad ac ysgrifennu mewn ffordd sy'n caniatáu i ni gyfathrebu'n effeithiol a gwneud synnwyr o'r byd, ac mae'n hanfodol er mwyn i ddysgwyr wireddu pedwar diben y cwricwlwm.
<b>Morffoleg</b>	Y ffordd y caiff geiriau eu llunio gan ddefnyddio bonion, rhagddodiaid ac ôl-ddodiaid.
<b>Priodiaith</b>	Ffordd unigryw person neu grŵp o siarad.
<b>Saesneg fel iaith ychwanegol (SIY)</b>	Yn cyfeirio at dysgu/addysgu Saesneg pan nad Cymraeg na Saesneg yw mamiaith y dysgwr.
<b>Swyddogaethau geiriau</b>	Elfennau iaith a gaiff eu rhoi at ei gilydd mewn gwahanol ffyrdd er mwyn cyfleu ystyr.
<b>Testunau amlfodd</b>	Lle caiff gwybodaeth ei chyfleu gan ddefnyddio sianeli cyflwyno lluosog drwy gyfuniad o lwyfannau cyfryngol, e.e. pan fydd llyfr, comic, cylchgrawn, ffilm, cyfres ar y we a gemau fideo oll yn gweithio fel rhan o'r un cyflwyniad.
<b>Teuluoedd iaith</b>	Grŵp o ieithoedd cysylltiedig yw teulu iaith a ddatblygodd o hynafiad hanesyddol cyffredin. Mae'r rhan fwyaf o ieithoedd yn Ewrop yn perthyn i'r teulu iaith Indo-Ewropeaidd. Mae canghennau'r teulu iaith Indo-Ewropeaidd yn cynnwys Celteg, Germaneg a Romáwns.
<b>Trawsieithu</b>	Defnyddio gwybodaeth mewn un iaith er mwyn gweithio gyda'r wybodaeth honno mewn iaith arall, e.e. gwrandao ar wybodaeth yn Gymraeg ac yn siarad/ysgrifennu amdani yn Saesneg neu ddarllen gwybodaeth yn Saesneg ac yn siarad/ysgrifennu amdani yn Gymraeg. (Gall y sgil hwn gael ei gymhwyso i ieithoedd rhyngwladol ac ieithoedd y cartref/gymuned lle bo hynny'n berthnasol.)
<b>Ymwybyddiaeth ffonolegol</b>	Y sgil o adnabod a gweithio gyda synau iaith lafar. I ddechrau, gall hyn olygu sylwi ar eiriau sy'n odli a chyfrif nifer y sillafau mewn enw, yna rhannu dechrau a diwedd gair. Mae dysgwyr yn gwneud cynnydd tuag at feithrin ymwybyddiaeth ffonemig, sy'n caniatáu iddynt adnabod synau unigol (ffonemau) mewn gair, a rhannu geiriau i'r synau sy'n rhan ohono, a chyfuno synau unigol i greu geiriau.



